

清史列傳



清史列傳 卷四十五

大臣畫一傳檔後編一

僧格林沁

僧格林沁博爾濟吉特氏蒙古科爾沁旗人本生父畢啟四等台吉以僧格林沁功追封貝勒初科爾沁多羅貝勒新吉倫於順治七年晉封扎薩克多羅郡王世襲罔替承襲八次至索特納木多布齋卒無子道光五年七月得旨伊族姪僧格林沁作爲索特納木多布齋之子承襲科爾沁扎薩克多羅郡王爵十月襲封命在御前行走十二月賞戴三眼花翎六年賞用紫纒九年賞穿黃馬褂十四年授御前大臣尋補正白旗領侍衛內大臣正藍旗蒙古都統十五年命總理行營十六年授鑲白旗滿洲都統十七年賞用黃纒二十一年幹珠爾巴諾們罕私開牧場例得處分理藩院覈議未能詳細僧格林沁上疏劾之上嚴飭更定二十四年充右翼監督三十年九月密雲屬穆家峪匪徒持械逞兇僧格林沁奏請查辦允之尋授左翼監督十二月賞給四團正龍補服准予穿用咸豐二年宣宗成皇帝

梓宮奉安慕陵僧格林沁恪恭將事賞加三級三年五月粵西逆匪分擾河南上以京師根本重地防範稽察均關緊要命僧格林沁偕左都御史花沙納等專辦京城各旗營防守事宜僧格林沁疏陳稽察章程十二條下所司議行八月賊由直隸永年之臨洛關竄正定府上授惠親王綿愉爲奉命大將軍僧格林沁爲參贊大臣御乾清宮親頒關防並頒給訥庫尼素光刀九月赴防紫荆關十月賊由滄州竄踞靜海等處圖竄天津僧格林沁進軍永清屬之王慶坨防賊北犯得旨僧格林沁籌備防剿一切布置均合機宜天氣嚴寒該大臣辛苦備嘗且拊循士卒尤能甘苦與共殊堪嘉尚著發去御用貂冠一頂黑狐駁馬褂一件綠玉煙壺一個白玉四喜搬指一個四年正月移師王家口適賊由靜海竄至以有備遂折竄西南官軍躡追數十里至子牙鎮南擒斬多名賞給湍多巴圖魯名號旣而賊踞河間縣屬之束城村官軍分五路進賊大潰南走追敗之獻縣單家橋交河富莊驛等處賊入阜城縣城並踞附城各村互爲援應僧格林沁分飭諸軍進屯東北自率馬隊繞至阜城池南攻克高家莊宋家莊各賊巢上嘉其調度有方賞給粵威羅瓦佛一尊白玉翎管一枝白玉搬指一個黃瓣珊瑚豆大荷包一對尋相

度地勢定期分剿飭副都統達洪阿由堆村一帶攻其西南侍郎瑞麟等由連村一帶攻其東北將軍善祿等進軍杜家場迤南僧格林沁親將中軍往來策應遂平堆村連村杜家場賊壘礮斃逆首僞丞相吉汝沅餘賊匿不出誘敗之塔爾頭紅葉屯賊向東南竄遂踞連鎮連鎮爲河間府東光縣鉅鎮東西兩岸村落相錯賊並踞之圍攻累月賊恃衆堅守會綿雨河水漲發軍事日棘奏言自六月以來陰雨浹旬河水日漲逆匪蟻聚高阜我軍地處低窪該逆死守不出欲趁水勢另生詭謀極力籌維擬挖濠築隄以水爲兵設法浸灌尋隄工竣賊數出奔撲擊走之九月東西連鎮各出數千匪向南圖竄官軍扼之賊太挫自是至十一月賊勢窮蹙收復附近各村遂克西連鎮其東連鎮賊仍負隅十二月飭投降各勇分紮西連鎮及附近之陳莊極力攻剿並偵知逆首林鳳祥業已薙髮圖遁遂刻日大舉進攻飭都統西凌阿瑞麟等督帶馬步隊攻其北侍郎宗室慶祺等攻其南杭州將軍瑞昌等在河西扼截立將賊柵焚毀於是東連鎮亦復生獲林鳳祥及僞檢點僞將軍等賊黨聚殲捷聞諭曰僧格林沁督兵剿賊疊著勳勞此次攻克連鎮生擒逆首深堪嘉尚著加恩封爲博多勒噶臺親王伊子乾清門三等侍衛伯

彥訥謨祜著在御前大臣上行走見在畿輔地方一律肅清著僧格林沁移得勝之師前往高唐州督辦軍務先是連鎮踞匪分股南竄踞山東高唐州城欽差大臣勝保督師屢攻不下至是逮問來京諭軍營領兵大員均歸僧格林沁節制五年正月抵高唐以州城堅固欲出奇兵勝之遂飭南面防軍故作疏防狀賊果疑夜潛師出全股南遁遂復高唐賊趨茌平踞縣屬之馮官屯官軍追至先奪其西面二村餘黨嘯聚東南隅恃糧足開挖地道圖撲礮臺以嚴備不得逞相持久之乃密決運河之水倒灌賊巢土墟之中泥深沒髀官軍偪近土埕燒燬賊窟數處生擒逆首李開芳並曾授僞職之黃懿端等八名餘匪無一漏網遂復馮官屯奏入諭曰僧格林沁督師剿賊均合機宜忠勇之誠深堪嘉尙前賞給親王著加恩世襲罔替並賞坐肩輿伊兄三品頂帶台吉耶布林沁賞作輔國公伊弟台吉崇格林沁賞給二品頂帶並賞戴花翎僧格林沁著卽挑選精銳官兵分起南下並卽馳驛來京陛見以慰廬懷五月抵京舉行凱撤禮恭繳參贊大臣關防並訥庫尼素光刀八月充崇文門監督九月奏請酌添外滿洲火器營官兵操演陣勢允之十二月調鑲藍旗滿洲都統六年二月丁本生母憂奏請回旗守制賞假百日

在京穿孝給銀七百兩治喪十二月命充管理溝渠河道並八旗值年大臣尋調補正黃旗領侍衛內大臣七年署鑲紅旗漢軍都統八年四月英吉利兵船駛至天津海口授爲欽差大臣督辦軍務六月直隸總督譚廷襄海口疏防礮臺失陷英船駛入內河僧格林沁奏參命解譚廷襄任七月辦理大沽雙港礮臺並續捐礮位嚴行設防數月事竣賞御用巡幸袍褂各一件十月回京賜紫禁城坐椅轎九年正月仍赴天津防堵五月英船闖入天津大沽口內毀我防具尋復駛至雞心灘直隸總督恆福派員理論不聽並先行轟擊礮臺繼以步隊登岸督軍力戰勝之並轟燬英船入內河者十三隻奏入所有辦理海防及接仗各員給獎有差十二月回京上念其功賞黃馬褂十年正月以本年恭逢三旬萬壽恩賞杏黃色端罩貂褂仍赴天津辦防自二月至五月兩江總督何桂清等奏言英船有北駛之說命豫爲布置嚴密設防六月英船百數十艘駛至天津海口猝於北塘登岸占踞村莊時恆福專辦撫局而英人要挾無定議並出馬步隊萬餘分撲新河軍糧城官軍退守唐兒沽大沽兩岸勢甚危急僧格林沁先後奏入得旨鎮定軍心妥爲調度仍諭恆福辦理撫局尋復諭曰握手言別倏逾半載見在大沽兩岸正

在危急諒汝憂心如焚倍切朕懷惟天下根本不在海口而在京師若稍有挫失必當退守津郡設法迎頭截剿萬不可寄身命於礮臺切要切要若執意不念大局祇了一身之計殊屬有負朕心握管不勝悽愴時唐兒沽又被英人占踞大沽礮臺愈危復奉退守津郡之諭尋奏言回守津郡必至兵心動搖見在情形惟有嚴守大沽設法布置竭力固守得旨所奏情形甚有見地仍當仰體朕心勿專以大沽爲重七月英人復占踞大小梁子旋於右岸石縫地方接仗官軍失利礮臺被占擬退守通州於州城池南擇要駐紮得旨迅速來京面授機宜並得旨僧格林沁辦理海防未能周妥拔去三眼花翎革去正黃旗領侍衛內大臣鑲藍旗滿洲都統八月帶兵留通防守先派員齎摺入奏得旨該大臣威望素著能得兵心著仍領欽差大臣關防會同瑞麟辦理防剿並賞還三眼花翎尋以英人逐日前進嚴陣以待獲英人巴夏里等送京英人復整隊來撲官軍退扼八里橋接仗失利得旨僧格林沁革去爵職仍留欽差大臣九月和議成直東及河間一帶土匪蠶起得旨僧格林沁偕侍郎銜瑞麟前往剿辦十月以山東團練大臣杜翮奏擒匪猖獗濟寧兗州泗水均已被圍諭僧格林沁俟畿輔肅清卽赴山東節節剿辦

旋奏言陸續緝獲土匪分別正法各匪以次解散擬卽取道東昌以次南下得旨抵東後必須會合兵勇進剿匪巢以期一鼓蕩平是爲至要尋諭於濟寧兗州一帶擇要駐紮先將北路妥爲布置嗣與賊戰於鉅野之羊山失利僧格林沁以瑞麟節節退守怯懦無能劾之上禡瑞麟職十二月鄒縣教匪宋繼朋倡亂僧格林沁督師往剿勝之越日再勝賊於河灘暨后峪地方十一年正月擒匪由東平等處渡河副都統伊興額追至楊柳集遇伏戰歿四月解滕縣圍克沙溝營及臨城驛先後殺賊六七千人時賊竄鄆城句結長槍會匪圖陷濟寧州屬之金鄉鄒縣教匪亦恃險不下僧格林沁次第進攻疊有捷仗六月曹州會匪分股各踞要隘僧格林沁遣翼長舒通額等分兵進剿敗賊於曹縣安陵集濮州田潭各擒其渠八月賊渡運河自泰安竄濟南僧格林沁親統大軍躡之賊聞風東竄踞孫家鎮官軍進擊賊由靳家橋遁青州九月襲賊於臨朐縣南沿諸城至沂水適黑旗擒首跨河拒敵分隊擊之賊合股回抗追至蘭山之蘭陵鎮殲焉奏入諭曰擒匪自入東境以來雖疊經剿擊總未大受懲創此次僧格林沁親督大軍殲除殆盡洵足以寒賊膽而快人心著加恩賞還御前大臣並賞還黃纒十月授正紅旗漢軍

都統管理奉宸苑事務穆宗毅皇帝御極諭曰僧格林沁受三朝知遇之恩宣力中外功勳卓越見在統兵剿辦教擒各匪紀律嚴明兵民愛戴朕欣慰之餘尤深眷系允宜特沛恩施用彰殊眷著賞還博多勒噶臺親王旋命管火器營事務時大股擒衆由山東高密壽光章邱入滕縣僧格林沁調馬步隊馳紮蘭嶧賊西竄濟寧營總富和等捷於楊莊岡山十一月僧格林沁母病上賞給人灑命其子伯彥訥謨祜回牧代爲省視先是會匪踞壽張池西僧格林沁令侍郎宗室國瑞等躡蹤追壓先取簸箕營次取竹口圍而曹州會匪復恃濮州紅川口土圍堅固意圖久踞僧格林沁率各軍合剿越濠攻入搜斬無遺陸續毀劉家橋及荷澤郭家唐房老巢正移營間定陶縣佃戶屯老巢賊衆潛撲大營都統西凌阿拒之賊敗南奔救出陷賊良民無算抵大張寺賊來撲復擊走之斃賊千餘尋復范縣十二月擒賊踞鉅野縣境西凌阿往攻大捷其定陶馬家集之賊遂喪膽逸去適會匪郭秉鈞等自河西回犯東岸趨曹郡僧格林沁由荷澤陳家集督師乘其後自崔家壩至黃河南岸屢挫賊鋒曹屬漸就蕩平同治元年正月江蘇豐縣擒匪二萬餘由金鄉犯魚臺勢張甚令翼長蘇克金等進攻力戰斃賊數千餘匪奔豐沛間

二月亳東擒匪糾合各股悍賊並長槍會匪併力西竄僧格林沁督帶馬隊追至河南杞縣賊分股來撲僧格林沁設伏誘之乘賊撤隊時馬步齊出毀賊營七復攻破趙寨等匪賊大敗宵遁是役也三路會剿殺匪萬計奏入上嘉獎之其宵遁之賊向西南窮竄僧格林沁督率各軍由陳留追抵尉氏匪踞縣東擊之屢有擒獲匪懼退入民寨派隊進攻匪列陣數里旋詐退欲由旁路包鈔營總卓明阿等整隊以待至匪迫近奮力衝入匪大震閉寨固守官軍復設法撤去東面重圍誘至樊家樓地方撥馬回剿槍礮齊施亳東逸出之餘匪至是殲焉五月補正黃旗領侍衛內大臣時山東長槍會匪董智信等竄入直隸東明境踞沙果寺民寨蘇克金等馳剿智信乞降呈繳軍器多件其盤踞坦頭集等處擒匪亦經富和攻克並招撫被脅者數十圩寨六月進攻金樓先是教匪郜姚氏踞金樓並有賊目金鳴亭施其狡謀攻之不克至是僧格林沁督飭各軍剿撫兼施投誠甚夥復激勵將弁率以進攻降勇先擁入賊圩各軍繼之與賊巷戰陣斬郜姚氏及其兩子並賊日常立身等餘賊搜殺淨盡立平賊寨又乘勢敗賊於邢家圩吳家廟營廓集等處均有斬擒事平諭曰金樓教匪荼毒生靈尤爲頑惡異常僧格林沁督率官

軍一鼓殄除實足大快人心是月長槍會匪焦桂昌等復竄曹屬意在糾合黨與四出滋擾僧格林沁檄恆齡剿之遂擒焦逆並獲首從各匪戮之又先後攻克蘭山之卓山寨洪山寨及太邱雙橋集各賊圩尋疏言各路統兵大臣及督撫大吏奏報含混一味搪塞爲將帥者市恩於麾下爲督撫者見好於屬員每以將佐一戰之功遽行優保請皇上密派賢員數人自臣軍營及各路軍營認真密查又軍務莫急於餉缺而餉缺蓋由於各省徵收之不足其中有水旱偏災賊竄邊境者不肖州縣藉此措詞其實災輕之區良善之民誰未納賦不過州縣意圖肥己私徵匿報道府職司監察耳目切近豈無所聞其中或有喜其逢迎遂代爲緘默地方大吏偶有風聞又念道府情面姑且容之直待斷難姑息始行參革撤任豈知事已不可收拾又豈知被劾之官私橐已飽似此吏治若各省督撫司道再不設法輓回嚴定章程實行懲勸軍餉何由得充官方何時能肅奏入諭曰督兵大員肯將軍營積弊據實上陳具見公忠體國不染習氣甚屬可嘉七月命統轄山東河南全省軍務並調度直隸山西省防兵直隸山東河南山西各省督撫提鎮以下各官及正白旗漢軍副都統遮克敦布右侍郎毛昶熙署漕運總督吳棠均歸

節制其蒙亳徐宿等處防兵並一併調遣八月大股擒賊竄山東魚臺之羅家屯僧格林沁親督各軍由河南夏邑馳至自金山池東分駐進攻國瑞從中路直衝賊陣賊腹背受創殺賊千餘追過山梁又殺賊四五百人九月進克張大莊盧廟孫老莊邢大莊各賊圩擒斬擒首李廷彥孫彩蘭等王新莊等各寨均降亳東擒首宋喜元等亦殺賊歸正亳州以北一律肅清十二月諭曰僧格林沁督兵剿賊懋著功勳兩載以來由直隸山東以至河南安徽境內櫛風沐雨辛苦備嘗見進攻亳州各擒匪巢穴時當冬令布屋單寒殊深廬念著發去黃面貂尾馬褂一件交僧格林沁祇領以示體恤二年正月擒首孫醜等掠河南鹿邑僧格林沁派副都統舒通額等擊之殲步賊萬餘二月連克安徽潁州屬之雉河集尹家溝賊巢陣擒擒首韓四萬等尋偵知巨擒逃匿李莊遂派舒通額等會集鄉團圍攻之賊懼執其渠以獻匪首楊瑞瑛王懷義等先後請降僧格林沁令翼長全順潛駐王懷義原寨藉探賊蹤適擒首蘇添才等誤投入寨經全順按名弋獲匪大懼擒首李勤邦等誘擒巨擒張落刑並其子張禧以獻餘匪悉平事聞諭曰安徽蒙亳等處自遭擒患幾及十年僧格林沁銳意剿除卒能將各股擒首擒獲收撫使積年

巨患剋日埽除洵屬調度有方謀勇兼備科爾沁親王僧格林沁著加恩仍以親王世襲罔替前奉特旨賞用章服等項並仍准其服用以示優異六月剿平山東淄川踞匪並將逃匿大白山之賊悉數擒獲上嘉之尋諭曰近日天氣炎蒸該大臣冒暑督師運籌決勝允宜優加賞賚以獎勳勞著發去黃瓣珊瑚豆大荷包一對黃瓣珊瑚豆小荷包兩個翠翎管一枝白玉搬指一個白玉煙壺一個玉柄小刀一把火鏟一把俟伯彥訥謨祜由隆福寺差竣回京卽令親齎前往軍營交僧格林沁祇領並傳諭該大臣爲國賢勞允宜善自保養以隆委寄初教匪宋繼朋之負隅鄒縣白蓮池也糾黨二萬餘四出劫掠當派總兵陳國瑞紮營白蓮池山腰攻其老巢賊乘高下撲陳國瑞揮軍大進擒賊首劉錦春副將郭寶昌伏兵譟而起立破之敗匪竄紅山爲死守計尋糧盡欲遁國瑞扼其東面而設伏西南山嶺下嚴陣待之陳國瑞督帶本隊由雲蒙寺先搶山梁撲入賊寨將東山西山之匪衝作兩截其西山之匪撲竄下山復經陳國瑞迎擊據其寨隨將東山之匪圍殺殆盡計凡閱月鄒縣股匪悉平奏入諭曰僧格林沁自攻克淄川後移軍鄒縣甫經匝月卽將教匪埽穴擒渠良由調度有方用能驅策羣力深堪嘉尙尋以山

東地方被賊滋擾地方荒廢寢多奏請移民認墾允之十月擒首苗沛霖糾衆數萬擾及安徽蒙城僧格林沁親督馬步隊馳赴亳州先克蔣集擒匪首陳萬福斬之尋破楊家寨與陳國瑞等軍會合攻其南面絕賊糧道並破蔡家圩賊營二十四座復親督大軍分路並進其河南賊壘三河北賊壘五悉數剷除苗逆計窮昏夜越濠出竄總兵王萬清斬首以獻逆黨苗景開等均伏法蒙城圍解時西洋集踞賊猶負固抗命僧格林沁調隊合攻由西南兩面攻入擒斬賊首葛春元等斃賊三千餘名其葛家圩魏羣兒等寨悉投誠淮甸漸就肅清遂飭總兵恆齡等分往潁亳及壽州一帶清理圩寨緝拏匪犯收復城關其不遵勸諭者併誅之先後奏入得旨嘉獎三年四月疏言用兵之道首貴嚴明偵探知彼知己調度戰守方能合宜近見各路軍營奏章每以賊衆兵單爲詞獲捷之報絡繹不絕而賊勢愈衆蔓延愈廣總由領隊之員不能確探賊情賊至不肯迎頭堵擊賊去又不肯跟蹤追剿但敷衍出境卽報勝仗以少報多諱敗爲勝豫爲冒功邀賞地步握兵符者旣不能身臨前敵復不詳加查考率行據稟入告相沿成習急須認真整頓上躔之並命督師皖豫楚三省之交如有似此情弊一經見聞卽指名奏參五月諭

曰本年髮捻各匪竄擾楚豫交界該大臣親督所部兵勇轉戰而前所向克捷近日天氣炎蒸該大臣冒暑督兵不辭勞瘁著發去黃紗馬褂一件金表一對玉柄小刀一把火鏟一把鼻煙一匣茶葉二匣派伯彥訥謨祜馳驛親齎前往軍營交僧格林沁祇領並傳諭該大臣爲國宣勞尤宜善自愛護以隆倚畀六月江寧克復諭曰僧格林沁在直隸山東等省肅清全境並督師皖北將張落刑苗沛霖等股剿滅近復移紮豫皖之交扼剿東竄援賊該親王忠勇性成不避艱險軍靡所泄威望允孚已疊次加恩晉封親王世襲罔替著再施恩加賞一員勒令其子伯彥訥謨祜受封七月復諭曰該大臣向於蒙古官兵內保舉出力將士從不肯稍有冒濫見當江寧克復所有僧格林沁軍營統帶蒙古馬隊各員著擇其出力者酌量保奏候朕施恩其該營蒙古兵丁著加恩賞銀一萬兩以示體恤時髮捻各匪竄踞湖北之麻城於縣城南之閔家集築壘二十餘座僧格林沁派成保帶兵進剿均克之郭寶昌一軍並克蔡家畝等處老巢賊竄河南羅山池南之楊家店僧格林沁親督馬隊乘勝逐北抵蕭家河殺賊無算其竄至上巴河蘄州之賊復句合東竄各匪屯踞風火山蔓延數十里旣陣官軍薄之賊翻山奔蘄水逾芭茅

街賊屍盈路進至土漠河見沿河叢林中賊壘森布僧格林沁分軍扼駐賊首陳大喜等各率伏裏鈔直撲官軍復有他賊鈔在官軍之前陳國瑞直擣中堅匪衆四潰越日達黑石渡檄令降日黃中庸乘夜襲取賊營僧格林沁復親督馬隊衝壓賊震懾逆首溫其玉黃文誥等率衆棄械乞降並擒獻僞端王藍成青降其衆數十萬人誅藍逆四年正月河南寶豐縣積匪踞甘露臺張八橋等處僧格林沁駐軍寶豐四路兜剿飭郭寶昌等偪賊安營賊擁衆出擊卻之復派成保督帶馬隊橫截使賊首尾不能相顧賊兵亂適有別股賊匪蠡擁而至圖犯總兵何建鰲扼駐塔爾灣之軍官軍佯退賊尾襲兩旁伏起應之將步賊全數殄除馬賊竄向梁窪棄壘而走及清涼寺殺賊千餘另股髮捻賴文洸等因各軍堵截糾衆折向南竄圖陷魯山僧格林沁督飭恆齡等軍越山追剿抵魯山城下賊突出馬隊撲城既復拚死回鬪餘賊潛襲後路官軍合圍賊遂竄葉縣僧格林沁令勇目從間道引軍設伏連破賊壘二月賊由臨潁復回竄河南信陽郭寶昌等軍併力截剿賊遁確山復親督各軍星夜疾馳並分接應之軍防賊後路賊果來撲陳國瑞督勇力戰步賊先潰官軍馬隊從山口突出賊馬隊亦潰賊衆遂不成軍四月髮捻

入山東由汶上縣之袁家口犯及鄆城西北水套一帶句結伏莽馬步數萬僧格林沁督師猛進日連一二百里再戰再勝之追至曹州府西北高莊集地方時官軍重趼羸餓遇賊鏖戰竟日力不能支遂潰僧格林沁撫循殘卒退入荒莊旣夜賊掘長濠困之全順等請衝圍出越濠賊層層包裹陳國瑞馬隊四千覆幾盡餘軍與賊不相辨識長驅並驚於昏黑之中行至吳家店從騎半沒僧格林沁手刃悍賊馬蹶遂遇害內閣學士全順總兵何建鰲與焉幫辦軍務杭州將軍宗室國瑞奏入諭曰欽差大臣科爾沁博多勒噶臺親王僧格林沁於咸豐三年間督師剿賊疊克臨清連鎮馮官屯高唐州等處北路賴以肅清嗣於十年間整旅南征轉戰直隸山東南安徵湖北等省埽蕩捻圩殄除髮匪擒斬巨逆張落刑苗沛霖等不可勝計軍靡所至衆望允孚朝廷以該親王頻年轉戰士卒疲勞申諭再三令其持重而該親王忠勇性成視國事如家事臨陣無不身冒鋒鏑誓滅此賊而後已方期天鑒忠忱克竟全功長承恩眷乃因猝遇賊伏力戰陣亡覽其死事情形不禁爲之隕涕著賞給陀羅經被照陣亡例以親王節終典禮從優議卹應得卹典該衙門詳察具奏任內一切處分悉予開復准其入城治喪其靈柩回旗

時著沿途地方官妥爲照料並派乾清門侍衛克興阿岳林恩全吉凌迅速馳驛前往該營迎護賞給銀五千兩經理喪事准其入祀昭忠祠其死事及該親王出師省分均著建立專祠生前事功宣付國史館立傳伊子伯彥訥謨祜俟百日孝滿後著承襲親王該衙門無庸帶領引見所遺貝勒卽著賞伊孫那爾蘇以示篤念忠藎之至意同日復諭曰科爾沁博多勒噶臺親王僧格林沁蒙宣宗成皇帝恩眷派充御前大臣管理旗營事務文宗顯皇帝御極以來尤加委任咸豐二年特命剿辦髮逆十年督師南下轉戰直隸山東等省於今六載親歷戎行靡間寒暑殄除巨憝懋建殊勳功在生民志安社稷頃因督戰陣亡雖已加恩優卹建立專祠並入祀昭忠祠尙不足以崇獎忠藎國家定制王大臣中有公忠體國超衆宣勞者尙有配饗之例況僧格林沁爲國家宣力忠勇性成允宜特沛殊恩用慰忠魂而昭異數著加恩配饗太廟以示朝廷軫念勳臣之至意尋賜卹如例輟朝三日予諡曰忠五月經國瑞查明戰歿情形入奏略曰僧格林沁忠勇性成圖報性堅行則身先士卒戰則親冒矢石駐則與將士同甘苦雖嚴寒溽暑從無少怠今春僅此窮寇入東原可稍緩兵力僧格林沁常言西路回氛未靖經費艱難誓

欲速滅流寇以期振旅出關埽平西域上紓宸廕下奠良民四月二十四日探明髮捻在曹州府西北高莊集地方乃督馬隊迎頭截擊該逆正欲南趨見我軍大至賊衆列仗來拒我軍遂分三路西路乃諾林丕勒托倫布達爾濟領左翼馬隊陳國瑞何建鼇各領本帶步隊東路乃成保烏爾圖那遜春壽領右翼馬隊郭寶昌領本帶步隊中路卽常星阿溫德勒克西高福富森保各領馬隊並無步隊該逆亦分三股迎拒皆係馬步相兼其勢甚兇諾林丕勒陳國瑞等敵住西哨之賊惡戰時許互有傷亡始將此股擊退賊去未遠適中股之賊往撲常星阿之隊常星阿抵敵不住遂卽撤退此股馬賊並未深追急轉馬頭向西路之軍橫衝而來西股敗匪見勢復進二股併進先將何建鼇步隊東哨衝動正在兵賊亂戰刀矛並舉我軍死傷甚衆賊屍亦復不少西路步賊蟻聚齊上以致馬步力不能支紛紛潰散是時僧格林沁在後督進見東路之賊撲我右翼無力迎擊卽飛馬往督比及趕到我軍已退遂與馬步隊且戰且走此時僧格林沁若帶勁衛馳赴曹州未嘗不可遠走因見我軍傷殘零落仍欲齊集馬步再作良圖是以退紮荒莊倉卒未計食水該逆全力來圍衆軍心怯僧格林沁猶沿牆開導使衆穩守注目四

望憐我將士詎意該逆奸狡異常隨掘長濠衆將復求衝圍早走僧格林沁終戀  
敗軍淚流滿面時至三更賊氛愈近勢將撲犯翼長全順復以大局攸關正顏輓  
請始允夜行全順成保郭寶昌等護從僧格林沁囑令馬步竭力殺賊不必顧我  
迨衝出圍牆未至賊濠逆衆驚覺紛紛包裹僧格林沁猶督令開槍賊衆應聲落  
馬者不計其數行至賊濠從人漸少僧格林沁馬失前蹄復換馬又行數里比時  
我軍馬步與賊夜戰槍聲不絕亂兵中猶聞僧格林沁喊督將士實力殺賊無如  
該逆包鈔愈裹愈厚將僧格林沁困在垓心僧格林沁並無少怯遂抽佩刀猶能  
手刃悍賊不期馬受矛傷驚逸咆哮以致落馬從人追趕藉馬驚闖得出比及天  
明賊散詎料僧格林沁卽於此地將星隕墜身受八傷生顏宛在此地在曹州府  
城西北十五里地名吳家店此僧格林沁死事之詳細情形也奏入得旨僧格林  
沁事蹟前已有旨宣付史館此次國瑞將僧格林沁殉難情形詳細查明具奏著  
一併交付史館敘入列傳以昭忠節閏五月靈柩抵良鄉命御前大臣景壽前往  
奠醊越日抵京命醇郡王帶領侍衛前往奠醊上復奉兩宮皇太后懿旨親臨賜  
奠長孫那爾蘇得旨所襲貝勒著加恩作爲世襲罔替次孫溫都蘇得旨賞給輔

國公六月諭曰我朝歷屆辦理軍務凡功勳卓著之臣均於告成後圖像紫光閣以彰懋績見在南北各路軍務雖未告蕝而如僧格林沁之勳績昭然本應在繪像之列今乃中道戰歿未獲目睹成功追念彌深眷注僧格林沁著先行繪像紫光閣繪成御製贊曰雄藩懿戚夙懋忠勇轉戰疆場奇勳克鞏傷哉馬革遽隕將星秘芳配食閣表圖形七年七月上以擒匪蕩平諭曰原任欽差大臣科爾沁博多勒噶臺親王僧格林沁自咸豐二年督師剿擒疊殄巨憝懋著勤勞同治四年四月間在山東曹州剿賊乘勝逐北中伏捐軀前已疊降恩旨從優議卹見在捻股蕩平逆首次第伏誅因思該親王忠勇性成齋志以歿惓念殊勳倍深愴惻僧格林沁著加恩賜祭一壇派盛京工部侍郎奕慶前往致祭用示篤念盡臣至意光緒十五年慈禧端佑康頤昭豫莊誠皇太后歸政奉懿旨科爾沁博多勒噶臺親王僧格林沁於咸豐同治年間疊平寇亂功在旂常前經從優賜卹并圖形紫光閣配饗太廟該親王身後榮名已足昭垂千古見在歸政屆期追念前勳允宜特沛殊恩以示優異僧格林沁著於京師建立專祠春秋致祭尋遵旨建顯忠祠於安定門內

曾國藩

曾國藩湖南湘鄉人道光十八年進士改翰林院庶吉士二十年散館授檢討二十三年三月大考二等以侍講陞用六月充四川鄉試正考官七月補侍講十二月充文淵閣校理二十四年轉侍讀二十五年三月充會試同考官五月遷詹事府右春坊右庶子九月轉左庶子旋陞翰林院侍講學士十二月充日講起居注官二十六年充文淵閣直閣事二十七年五月大考二等遇缺題奏六月擢內閣學士兼禮部侍郎銜二十八年稽察中書科事務二十九年正月陞禮部右侍郎八月署兵部左侍郎三十年正月宣宗成皇帝升遐文宗顯皇帝御極國藩遵旨集議郊配廟祔禮疏曰皇上以大行皇帝殊諭遺命四條內無庸郊配廟祔二條令臣工詳議具奏臣等謹於二十七日集議諸臣皆以大行皇帝功德懿鑠郊配既斷不可易廟祔尤在所必行直道不泯此天下之公論也臣國藩亦欲隨從衆議退而細思大行皇帝諄諄誥誥誠必有精意存乎其中臣下鑽仰高深苟窺見萬分之一亦當各獻其說備聖主之博采竊以爲遺命無庸廟祔一條考古準今萬難遵從無庸郊配一條則不敢從者有二不敢違者有三焉所謂無庸廟祔一條

萬難遵從者何也古者祧廟之說乃爲七廟親盡之間有親盡而仍不祧者則必有德之主世世宗祀不在七廟之數若殷之三宗周之文武是也大行皇帝於皇上爲禰廟本非七廟親盡可比而論功德之彌綸又當與列祖列宗同爲百世不祧之室豈其弓劍未忘而烝嘗遽別諸侯大夫尙有廟祭況以天子之尊敢廢升祔之典此其萬難遵從者也所謂庸郊配一條有不敢從者二何也古聖制禮亦本事實實之既至而情文因之而一大行皇帝仁愛之德同符大造偶遇偏災立頒帑項年年賑貸薄海含哺粒我烝民后稷所以配天也御宇三十年無一日之暇逸無須臾之不敬純亦不已文王所以配上帝也既已具合撰之實而欲辭升配之文則普天臣民之心終覺不安此其不敢從者一也歷考列聖升配惟世祖章皇帝係由御史周季琬奏請外此皆繼統之聖人特旨舉行良由上孚昊眷下愜民情毫無疑義也行之既久遂爲成例如大行皇帝德盛化神即使無例可循臣下猶應奏請況乎成憲昭昭曷敢踰越傳曰君行意臣行制在大行皇帝自懷謙讓之盛意在大小臣工宜守國家之舊制此其不敢從者二也所謂無庸郊配一條有不敢違者三何也壇壝規模尺寸有定乾隆十四年重加繕修一

輒一石皆考律呂之正義按九五之陽數增之不能改之不可七廟配位各設青  
幄當初幄制闕大乾隆三年量加修改今則每幄之內僅容豆籩七幄之外幾乏  
餘地我大行皇帝慮及億萬年後或議增廣乎壇壝或議裁狹乎幄製故定爲限  
制以身作則俾世世可以遵循今論者或謂西三幄之南尙可添置一案暫爲目  
前之計不必久遠之圖豈知人異世而同心事相沿而愈久今日所不敢言者亦  
萬世臣子所不敢言者也今日所不忍言者亦萬世臣子所不忍言者也經此次  
硃諭之嚴切盈廷之集議尙不肯裁決遵行則後之人又孰肯冒天下之不韙乎  
將來必至修改基址輕變舊章此其不敢違者一也古來祀典興廢不常或無其  
祭而舉之或有其禮而罷之史冊所書不一而足唐垂拱年間郊祀以高祖太宗  
高宗並配後開元十一年從張說議罷太宗高宗配位宋景祐年間郊祀以藝祖  
太宗眞宗並配後嘉祐七年從楊敞議罷太宗眞宗配位我朝順治十七年合祀  
天地日月星辰山川於大享殿奉太祖太宗以配厥後亦罷其禮祀典改議乃古  
今所常有我大行皇帝億萬年後愚儒無知或有援唐宗罷祀之例妄行陳奏  
者不可不豫爲之防故硃諭有曰非天子不議禮以爲一經斷定則巍然七幄與

天長存後世增配之議尙且不許罷祀之議更何自而興所以禁後世者愈嚴則所以尊列祖者愈久此其計慮之周非三代制禮之聖人而能如是乎大行皇帝以制禮之聖人自居臣下何敢以尋常之識淺爲窺測有尊重之虛文無謀事之遠慮此其不敢違者二也我朝以孝治天下而遺命在所尤重康熙二十六年孝莊文皇后遺命云願於遵化州孝陵近地擇吉安厝當時臣工皆謂遵化去太宗昭陵千有餘里不合祔葬之例我聖祖仁皇帝不敢違遺命而又不敢違成例故於孝陵旁近建暫安奉殿三十餘年未敢竟安地宮至雍正初始敬謹歲事嘉慶四年高宗純皇帝遺命云廟號無庸稱祖我仁宗睿皇帝謹遵遺命故雖乾隆中之豐功大烈而廟號未得祖稱載在會典先後同揆矣此次大行皇帝遺命惟第一條森嚴可畏若不遵行則與我朝家法不符且殊論反覆申明無非自處於卑屈而處列祖於崇高此乃大孝大讓亙古之盛德也與其以尊崇之微忱屬之臣子孰若以莫大之盛德歸之君父此其不敢違者三也臣竊計皇上仁孝之心兩者均有所歉然不奉升配僅有典禮未備之歉遽奉升配既有違命之歉又有將來之慮是多一歉也一經大智之權衡無難立判乎輕重聖父制禮而聖子行之

必有默契於精微不待臣僚擬議而後定者臣職在秩宗誠恐不詳不慎皇上他日郊祀時上顧成命下顧萬世或者怵然難安則禮臣無所辭其咎奏入上遽之三月應詔陳言疏曰今日所當講求者惟在用人人才不乏欲作用而激揚之則賴皇上之妙用有轉移之道有培養之方有考察之法三者不可廢一臣觀今日京官辦事通病有二曰退縮曰瑣屑外官辦事通病有二曰敷衍曰顛預習俗相沿但求苟安無過不肯振作有爲將來一遇艱鉅國家必有乏才之患今遽求振作之才又恐躁競者因而倖進臣愚以爲欲令有用之才不出範圍之中莫若使從事於學術又必皇上以身作則乃能操轉移風化之本臣考聖祖登極後勤於學問儒臣逐日進講寒暑不輟召見廷臣輒與往復討論當時人才濟濟好學者多康熙末年博學偉才大半皆聖祖教諭成就之皇上春秋鼎盛正符聖祖講學之年臣請俟二十七月後舉逐日進講例四海傳播人人向風召見臣工從容論難見無才者則勗之以學以痛懲模稜罷輒之習見有才者則愈勗之以學以化其剛愎刻薄之偏十年以後人才必大有起色此轉移之道也內閣六部翰林院爲人才薈萃之地內而卿相外而督撫率出於此皇上不能一一周知也培養之

權不得不責成堂官所謂培養有數端曰教誨曰甄別曰保舉曰超擢堂官於司員一言嘉獎則感而圖功片語責懲則畏而改過此教誨不可緩也榛棘不除則蘭蕙減色害馬不去則騏驥短氣此甄別不可緩也嘉慶四年十八年兩次令部院各保司員此保舉成案也雍正間甘汝來以主事而賞人濩放知府嘉慶間黃鉞以主事而充翰林入南齋此超擢成案也蓋嘗論之人才譬若禾稼堂官之教誨猶種植耘耔也甄別猶去稂莠保舉猶灌溉也皇上超擢譬之甘雨時降茁勃然興也堂官時常到署猶農夫日在田間乃熟穡事今各衙門堂官多內廷行走之員或累月不到署自掌印主簿外司員半不識面譬之嘉禾稂莠聽其同生同落於畎畝之中而農夫不問教誨之法無聞甄別之例亦廢近奉明詔保舉又但及外官不及京秩培養之道不尙有未盡者哉頃歲以來六部人數日多或廿年不得補缺終身不得主簿內閣翰林院人數亦三倍於前往往十年不得一差不遷一秩而堂官多直內廷本難分身入署又或兼攝兩部管理數處縱有才德俱優者曾不能邀堂官之顧又烏能達天子之知以數千人才近在眼前不能加意培養甚可惜也臣愚欲請皇上稍爲酌量每部須有二三堂官不入內廷者令日

日到署與司員相砥礪翰林掌院亦須有不直內廷者與編檢相濡染務使屬官之性情心術長官一周知皇上不時詢問某也才某也直某也小知某也大受不特屬官優劣燦呈卽長官淺深亦可互見旁考參稽而入衙門之人才同往來聖主之胸中彼屬官者但令姓名達於九重不必陞官遷秩而已感激無地然後保舉之法甄別之例次第舉行舊章皇上偶有超擢則榘一陞而草木之精神皆振此培養之方也古者詢事考言二者兼重近來各衙門辦事小者循例大者請旨本無才猷可見莫若於言考之而召對臣言天威咫尺不宜喋喋便佞則莫若於奏摺考之國家定例內而九卿科道外而督撫藩臬皆有言事之責各省道員亦許專摺言事乃十餘年間九卿無一人陳時政得失司道無一摺言地方利病科道奏疏無一言及主德隆替無一摺彈大臣過失一時風氣不解其所以然本朝以來匡言主德者如孫嘉淦以自是規高宗高銑以寡慾規宣宗皆優旨嘉納糾彈大臣者如李之芳劾魏裔介彭鵬劾李光地後四人皆爲名臣至今傳爲美談直言不諱未有盛於我朝者也皇上御極之初特詔求言而褒答倭仁之諭臣讀之至於抃舞感泣然猶有過慮者誠見皇上求言甚切諸臣紛紛入奏或條

陳庶政頗多雷同或彈劾大臣懼長攻訐臣愚願皇上堅持聖意借奏摺爲考覈人才之具永不生厭斲之心涉於雷同者不必交議而已過於攻訐者不必發鈔而已此外則但見有益不見有損今考九卿賢否憑召見應對考科道賢否憑三年京察考司道賢否憑督撫考語若人人建言參互質證豈不更爲覈實乎此考察之法也奏入諭稱其剴切明辨切中事情命百日後舉行日講國藩旋條陳日講事宜下部議格不行六月署工部左侍郎咸豐元年五月署刑部右侍郎十月充順天武鄉試正考官二年正月署吏部左侍郎六月充江西鄉試正考官旋丁母憂回籍時廣西會匪洪秀全倡亂竄湖南圍長沙不克竄湖北武昌陷之連陷沿江郡縣江南大震十一月上特命國藩會同湖南巡撫張亮基辦理本省團練搜剿土匪時塔齊布尙以都司署撫標參將國藩奏稱其奮勇耐勞深得民心並云塔齊布將來如打仗不力臣甘同罪請旨獎敘專令督隊剿賊會賊破金陵逆流西上皖鄂郡縣相繼淪陷上以國藩所練鄉勇得力剿匪著有成效諭令馳赴湖北剿賊國藩以爲賊所以恣意往來者由長江無官軍扼禦故也乃駐衡州造戰艦練水軍勸捐助餉四年二月奏請將原任湖北巡撫楊健從祀鄉賢下部議

處尋議降二級調用復督師東下三月與賊接戰岳州四月又戰靖港皆不利得旨革職仍准專摺奏事時國藩已遣守備楊載福知縣彭玉麟與塔齊布合擊賊於湘潭大破之復其城賊退踞岳州七月國藩攻克之燬其舟賊浮舟上犯再破之遂與塔齊布水陸追擊自城陵磯二百餘里剿洗淨盡賞二品頂戴九月復武昌漢陽盡焚裏河賊舟賞二品頂戴署湖北巡撫賞戴花翎旋以國藩力辭賞兵部侍郎銜辦理軍務毋庸署理巡撫國藩建三路進兵策奏言江漢肅清賊之回巢抗拒者多集興國蘄州廣濟諸屬自巴河至九江節節皆有賊船擬塔齊布由南路進攻興國大冶湖北督臣派兵由北路進攻蘄州廣濟臣由江路直下與陸軍相輔爲進止如所請行國藩揚帆而下連戰勝賊蘄州賊來犯再破之會塔齊布復興國大冶時賊以田家鎮爲巢穴蘄州爲聲援自州至鎮四十餘里沿岸築土城設礮位對江轟擊橫鐵鎖江上以阻舟師南岸半壁山富池口均大股悍賊駐守舟楫往來如織國藩計欲破田鎮當先奪南岸十月寧紹台道羅澤南大破賊半壁山克之國藩部署諸將分戰船四隊一隊扼賊上犯二隊備爐煎椎斧前斷鐵鎖賊礮船護救三隊圍擊之沈二艘賊不敢近須臾鎔液鎖斷賊驚顧失色

率舟遁四隊駛而下追及於鄔穴東南風大作賊舟不能行官軍圍而焚之百里內外火光燭天陸軍自半壁山呼而下悉平田鎮富池口營壘蘄州賊遁是役也斃賊數萬燬其舟五千遂與塔齊布復廣濟黃梅孔壠口小池驛上游江面肅清進圍九江十二月上以國藩調度有方賞穿黃馬褂並賞狐骸黃馬褂白玉搬指白玉巴圖魯翎管玉靶小刀火鏢各一國藩遣水軍攻湖口梅家洲以通江西餉道五年賊竄武昌分股乘夜由小池口襲焚國藩戰艦戰失利越數日大風復壞舟數十國藩迺以其餘遣署湖南按察使李孟羣知府彭玉麟及湖北布政使胡林翼所帶陸軍回援武漢親赴江西造船募勇增立新軍連破賊姑塘都昌進攻湖口大敗之七月湖南提督塔齊布卒國藩馳往九江兼統其軍八月水軍復湖口九月補兵部右侍郎國藩以九江不下師久無功自請嚴議諭曰曾國藩督帶水師屢著戰功自到九江後雖未能迅卽克復而鄱湖賊匪已就肅清所有自請嚴議之處著加恩寬免六年賊酋石達開竄江西郡縣多陷國藩馳赴省城遣道員彭玉麟統內湖水師退駐吳城以固湖防同知李元度回剿撫州以保廣信諸將分扼要地先後復進賢建昌東鄉豐城饒州連破撫州樟樹鎮羅溪瓦山吳城

之賊會同湖北援師知縣劉騰鴻同知曾國華等大破賊瑞州復靖安安義上高自江西達兩湖之路賴以無梗七年正月復安福新淦武寧瑞昌德安奉新軍聲大振不一歲石逆敗遁江西獲安國藩力也二月丁父憂諭曰曾國藩見在江西督師軍務正當喫緊古人墨經從戎原可奪情不令回籍惟念該侍郎素性拘謹前因母喪未終授以官職具摺力辭今丁父憂若不令其回籍奔喪非所以遂其孝思著賞假三個月回籍治喪俟假滿後再赴江西督辦軍務尋固請終制復諭曰曾國藩本以母憂守制在籍奉諭幫辦團練當賊氛肆擾鄂皖卽能統帶湖南船勇墨經從戎數載以來戰功懋著忠誠耿耿朝野皆知伊父曾麟書因聞水師偶挫又令伊子曾國華帶勇遠來援應尤屬一門忠義朕心實深嘉尙今該侍郎以假期將滿陳請終制並援上年賈楨奏請終制蒙允之例覽其情詞懇切原屬人子不得已之苦心惟見在江西軍務未竣該侍郎所帶楚軍素聽指揮當茲剿賊喫緊亟應假滿回營力圖報效曾國藩身膺督兵重任更非賈楨可比著仍遵前旨假滿後卽赴江西督辦軍務並署理兵部侍郎以資統率俟九江克復江面肅清朕必賞假令其回籍營葬俾得忠孝兩全毫無遺憾該侍郎殫心事主卽以

善承伊父教忠報國之誠當爲天下後世所共諒也國藩復奏稱江西各營安謐如常毋庸親往撫馭並瀝陳才難宏濟心抱不安奉旨先開兵部侍郎缺暫行在籍守制江西如有緩急卽行前赴軍營以資督率八年五月命辦理浙江軍務移師援閩閩匪分股竄擾江西國藩遣道員李元度破之廣豐玉山張運蘭復安仁時國藩駐軍建昌東南北三路皆賊國藩計東路連城賊勢已衰閩事不足深慮北路景德鎮乃大局所關又較南路信豐爲重乃遣張運蘭攻景德鎮道員蕭啟江追剿信豐之賊九年蕭啟江破賊南康克新城墟池江賊巢遂復南安解信豐圍賊竄湖南將由粵黔入蜀國藩隨檄蕭啟江馳赴吉安援應湖南張運蘭復景德鎮浮梁縣江西肅清餘賊竄皖南國藩奉命防蜀行至陽邏奉諭皖省賊勢日張飭籌議由楚分路剿辦國藩回駐巴河簡校軍實因奏言自洪楊內亂鎮江克復金陵逆首凶醜久衰徒以陳玉成往來江北句結捻匪廬州浦口三河等處疊挫我師遂令皖北之糜爛日廣江南之賊糧不絕欲廓清諸路必先破金陵欲破金陵必先駐重兵滁和而後可去江南之外屏斷蕪湖之糧路欲駐兵滁和必先圍安慶以破陳逆之老巢兼擣廬州以攻陳逆所必救進兵須分四路南則循江

而下一由宿松石牌規安慶一由太湖潛山規桐城北則循山而進一由英山霍山攻舒城一由商城六安規廬州南軍駐石牌則與福建水師提督楊載福黃石磯之師聯爲一氣北軍至六安州則與壽州之師聯爲一氣國藩請自規安慶協領多隆阿綏靖鎮總兵鮑超取桐城署湖北巡撫胡林翼取舒城荆宜施道李續宜規廬州奏入上是之十年二月賊酋陳玉成犯太湖國藩分兵破之旋因金陵大營分兵援浙城中悍賊大股出撲統帥和春張國樑以兵單賊衆退守丹陽旋皆戰歿兩江總督何桂清棄常州奔上海致蘇常連陷賊勢蔓延四月上特命國藩馳赴江蘇並先行賞加兵部尙書銜署理兩江總督六月實授以欽差大臣督辦江南軍務七月命皖南軍務統歸國藩督辦十一年國藩進駐祁門督飭楊載福按察使彭玉麟道員曾國荃等諸軍水陸夾擊爲逐層掃蕩之計先後復黟縣都昌彭澤東流建德休寧徽州義寧各城悍賊數萬踞安慶久不下曾國荃副都統多隆阿等圍之陳玉成來援諸軍擊走之拔其城賊無脫者進復池州鉛山無爲銅陵及泥汊神塘河運漕東關各隘十月穆宗毅皇帝御極加太子少保銜令統轄江蘇安徽江西浙江四省軍務巡撫提鎮以下悉歸節制國藩力辭上不許

諭曰前命曾國藩以欽差大臣節制江浙等省巡撫提鎮以一事權曾國藩自陳任江督後於皖則無功可敘於蘇則負疚良深並陳用兵之要貴得人和而勿尙權勢貴求實際而勿爭虛名懇請收回成命朕心實爲嘉許仍諭令節制四省以收實效曾國藩復陳下情言見在諸路出師將帥聯翩威柄太重恐開斯世爭權競勢之風兼防他日外重內輕之漸足見謙卑遜順慮遠思深得古大臣之體在曾國藩遠避權勢自應如此存心而國家優待重臣假以事權從前本有成例曾國藩曉暢戎機公忠體國中外咸知當此江浙軍務喫緊生民塗炭我兩宮皇太后孜孜求治南望增憂若非曾國藩之惻忱真摯豈能輕假事權所有四省巡撫提鎮以下各官仍歸節制該大臣務以軍事爲重力圖攻剿拯斯民於水火之中毋再固辭先是賊圍杭州國藩疊奉援浙之命咨令太常寺卿左宗棠統軍入浙檄按察使張運蘭副將孫昌圖等水陸各營均歸調度以厚兵力並撥給錢漕釐金以清所部積欠因奏稱左宗棠前在湖南撫臣駱秉章幕中贊助軍謀兼顧數省其才實可獨當一面懇明降諭旨令左宗棠督辦浙江全省軍務上以浙江巡撫王有齡及江蘇巡撫薛煥不能勝任命國藩察看具奏並迅速保舉人員候旨

簡放國藩奏言蘇浙兩省羣賊縱橫安危利鈍繫於巡撫一人王有齡久受客兵挾制難期振作欲擇接任之人自以左宗棠最爲相宜惟此時杭州被困必須王有齡堅守於內左宗棠救援於外俟事勢少定乃可更動至江蘇巡撫一缺目前實無手握重兵之人可勝此任查有臣營統帶淮揚水師之福建延建邵遺缺道員李鴻章勁氣內斂才大心細若蒙聖恩將該員擢署江蘇巡撫臣再撥給陸軍便可馳赴下游保衛一方奏入上皆特如所請復因杭州失守國藩奏陳補救之策一擬令各軍堅守衢州與江西之廣信皖南之徽州爲犄角之勢先據形勝扼賊上竄左宗棠暫於徽衢信三府擇要駐紮相機調度總須先固江西皖南邊防保全完善之地再籌進剿一請於浙江藩臬兩司內將廣西按察使蔣益澧調補一缺飭帶所部五六千人赴浙隨左宗棠籌辦防剿可收指臂之助一浙省兵勇恃寧紹爲餉源今全省糜爛無可籌畫懇恩飭下廣東粵海關福建閩海關按月協撥銀兩交左宗棠以資軍餉從之同治元年正月命以兩江總督協辦大學士國藩奏言自去秋以來疊荷鴻恩臣弟國荃又拜浙江按察使之命一門之內數月之間異數殊恩有加無已感激之餘繼以悚懼懇求皇上念軍事之靡定鑒微

臣之苦衷金陵未克以前不再加恩於臣家又前此疊奉諭旨飭保薦江蘇安徽巡撫復蒙垂詢閩省督撫飭臣保舉大臣開列請簡封疆將帥乃朝廷舉措之大權如臣愚陋豈敢干預嗣後如有所知堪膺疆寄者隨時恭疏入告仰副聖主旁求之意但泛論人才以備採擇則可指明某缺徑請遷除則不可蓋四方多故疆臣既有征伐之權不可更分黜陟之柄風氣一開流弊甚長辨之不可不早尋遣將擊走徽州荻港之賊復青陽太平涇縣石埭國荃會同水師復巢縣含山和州並銅陵牯雍家鎮裕溪口西梁山四隘弟貞幹復繁昌南陵破賊三山魯港上以國藩前奏情詞懇摯出於至誠不再加恩而進國荃貞幹等職國藩駐安慶督師奏請仍建安徽省會於安慶設長江水師提督以下各官指授諸將機宜以次規取皖南北府縣各城國荃率師進圍金陵蘇浙賊酋李秀成等分道來援大小數十戰力卻之二年五月復江浦浦口克九洑州長江肅清因淮南運道暢通籌復鹽務改由民運奏請疏銷輕本保價杜私之法三年正月官軍克鍾山國藩令弟國荃會諸將合圍金陵六月金陵克復生擒僞忠王李秀成等掘戮首逆洪秀泉屍三日內斃賊十餘萬人全股悍匪盡數殄滅國藩紅旗奏捷並稱洪逆倡亂粵

西於今十有五年竊踞金陵亦十二年流毒海內神人共憤我朝武功之盛超越  
前古如嘉慶川楚之役蹂躪僅及四省淪陷不過十餘城康熙三藩之役蹂躪尙  
止十二省淪陷亦三百餘城今粵匪之變蹂躪竟及十六省淪陷至六百餘城  
之多實爲罕見之巨寇卒能次第削平剷除元惡蔚爲中興之業捷聞上覽奏嘉  
悅諭曰曾國藩自咸豐四年在湖南首倡團練創立舟師與塔齊布羅澤南等屢  
建殊功保全湖南郡縣克復武漢等城肅清江西全境東征以來由宿松克潛山  
太湖遞駐祁門疊復徽州郡縣遂拔安慶省城以爲根本分檄水陸將士規復下  
游州郡茲大功告歲逆首誅鋤由該大臣籌策無遺謀勇兼備知人善任調度得  
宜曾國藩著加恩賞加太子太保銜錫封一等侯爵世襲罔替並賞戴雙眼花翎  
浙江巡撫曾國荃賞加太子少保銜錫封一等伯爵並賞戴雙眼花翎將士錫爵  
進秩有差時擒匪倡亂日久四年四月欽差大臣科爾沁親王僧格林沁追剿擒  
匪戰歿於山東曹州賊勢日熾命國藩赴山東一帶督兵剿辦擒匪山東河南直  
隸三省旗綠各營及地方文武員弁均歸節制調遣國藩將赴徐州督師乃招集  
新軍添練馬隊檄調皖南鎮總兵劉松山直隸提督劉銘傳總兵周盛波道員潘

鼎新諸軍會剿五月賊竄亳州雒河集國藩駐臨淮關遣兵擊走之先後奏言此賊已成流寇飄忽靡常宜各練有定之兵乃足以制無定之賊臣由臨淮進兵將來安徽卽以臨淮爲老營及江蘇之徐州山東之濟寧河南之周家口四路各駐大兵爲重鎮一省有急三省往援其援軍之口糧火藥卽取給於受援之地庶幾往來神速呼吸相通時逆酋張總愚任柱牛洛紅及髮逆賴汝沆擁衆十萬倏分倏合八月國藩遣劉銘傳敗之潁州賊東走曹州國藩檄潘鼎新力扼運河派軍馳赴山東助剿賊不能渡運遂南走徐州踞豐沛銅山境內九月國藩遣潘鼎新等敗之徐州豐縣賊復竄山東十月周盛波劉銘傳敗之寧陵扶溝賊竄陷湖北黃陂五年正月國藩遣劉銘傳破之復其城任逆回竄沈邱將踞蒙亳老巢遣劉銘傳周盛波擊之張逆分股入鄆城三月劉銘傳廣西右江鎮總兵張樹珊敗之潁州周家口羣賊合踞濮范鄆鉅間諸軍擊破之張逆趨單縣任逆走靈璧國藩駐徐州修浚運河以固東路五月遣諸將敗張逆於洋河王家林敗任逆於永城徐州時賊自二月北竄堅圖渡運徘徊曹徐淮泗者兩月有餘迄不得逞於是張逆入豫任逆入皖國藩遣周盛波大破牛逆於陳州敗任賴二逆於烏江河張樹

珊敗賊於周家口牛張二逆渡沙河而南任賴二逆亦竄渡賈魯河國藩以前防  
守運河粗有成效必仿照於沙河設防俾賊騎稍有遮攔庶軍事漸有歸宿定議  
自周家口下至槐店扼守沙河上至朱仙鎮扼守賈魯河因奏言河身七百餘里  
地段太長不敢謂防務既成百無一失然臣必始終堅持此議不以艱難而自畫  
不以浮言而中更以求有裨時局自古辦流寇本無善策惟有防之使不得流猶  
是得寸則寸之道俟河防辦成則令防河者與遊擊者彼防此戰更番互換庶足  
以保常新之氣六月遣劉松山宣化鎮總兵張詩日大破賊於上蔡西華賊由河  
南巡撫所派防軍汎地逸出東竄河防無成七月遣劉松山提督宋慶大破之南  
陽新野九月劉銘傳潘鼎新破之郟城運防賴以無恙國藩自陳病狀上命國藩  
仍回兩江總督本任以李鴻章代辦剿匪事宜國藩請開總督缺以散員留營自  
效諭曰兩江總督責任綦重湘淮各軍尤須曾國藩籌辦接濟著遵奉前旨仍回  
本任以便李鴻章酌量移營前進並免後顧之憂國藩復奏陳江督之繁斷非病  
軀所能勝任與其辜恩溺職不如避位讓賢籲請仍開各缺諭曰曾國藩爲國家  
心膂之臣誠信相孚已久當此捻逆未平後路糧餉軍火無人籌辦豈能無誤事

機會國藩當仰體朝廷之意爲國家分憂豈可稍事疑慮固執己見著卽懷遵前旨剋期回任俾李鴻章得以專意剿賊迅奏膚功該督回任以後遇有湘淮軍務李鴻章仍當虛心咨商以期聯絡一氣毋許再有固請用慰厘念十一月回任六年六月授大學士仍留兩江總督任七月授體仁閣大學士九月奏稱製造輪船爲救時要策請將江海關洋稅酌留二成一成爲專造輪船之用一成酌濟淮軍及添兵等事從之十二月擒匪平賞雲騎尉世職七年四月授武英殿大學士七月調直隸總督十二月入覲賜紫禁城騎馬八年二月查明積滂大窪地畝應徵糧賦請分別豁減從之三月奏直隸刑案積多與臬司張樹聲力籌清釐甫有端緒張樹聲見調任山西請暫留一年以清積案諭曰曾國藩到任後辦事認真於吏治民風實心整頓力輓敝習著如所請俾收指臂之助又先後二次查明屬員優劣開單具奏得旨分別嘉勉降革時直隸營伍廢弛廷議選練六軍命國藩將前定練軍章程妥籌經理五月國藩奏言臣見內外臣工章奏於直隸不宜屯留客勇一節言之詳矣惟養勇雖非長策而東南募勇多年其中亦有良法美意爲此間練勇所當參用者一曰文法宜簡一曰事權宜專一曰情意宜洽又聞各營

練軍皆有冒名頂替之弊防不勝防今當講求變通之方自須先杜頂替之弊臣本擬定一簡明章程重整練軍練足萬人以副朝廷殷勤訓飭之意其未挑入練者各底營存餘之兵亦須善爲料理未可聽其困窮墮壞擬略仿浙江減兵之法數年後或將當日之五折七折八折者全數賞發兵丁之入練軍者所得固優卽留底營者亦足自贍營務或有起色而畿輔練軍之議亦不至屢作屢輟事同兒戲請敕原議各衙門覈議施行復命國藩籌定簡明章程奏報定議國藩奏言臣維用兵之道隨地形賊勢而變焉者也陳迹不可狃獨見不可恃隨處擇善而從庶可常行無弊直隸練軍宜添學紮營之法每月拔營一次行二三百里爲率並擬於前留四千人外先添三千人稍復舊觀一於古北口暫添千人該提督傅振邦統之一於正定鎮暫練千人該總兵譚勝達統之一於保定暫添千人令前瓊州鎮總兵彭楚漢以南將統之與中軍冷慶所轄千人姑分兩起俟察驗實在得力而後合併一軍此因論兵將相孚而擬目前添練之拙計也至練軍規模臣仍擬以四軍爲斷二軍駐京北二軍駐京南每軍三千人統將功效尤著者或添至四五百人請旨交各衙門覈議先行試辦俟試行果有頭緒然後奏定簡明章程

俾各軍一律遵守奏入允之同治三年至九年正月三屆京察均蒙溫諭褒嘉下部優敘五月通商大臣崇厚奏天津民人因迷拐幼孩有牽涉教堂情事法國領事豐大業出言不遜對官施放洋槍百姓激忿毆斃豐大業焚毀教堂上命國藩赴天津查辦並諭以查有實據自應與洋人指證明確將匪犯按律懲辦以除地方之害國藩奏言各省打毀教堂之案層見疊出而毆斃領事洋官則從來未有的事即使曲在洋人而外國既斃多命不肯更認理虧臣但立意不欲與之開釁使在彼有可轉圜之地庶在我不失柔遠之方六月抵津查詢仁慈堂空眼剖心毫無實據奏稱採生配藥野番兇惡之族尙不肯爲英法乃著名大邦豈忍爲此殘忍之行以理決之必無是事況彼以仁慈爲名而反受殘酷之謗宜洋人之忿忿不平也又奏誅爲首滋事之人將辦理不善之天津府縣革職治罪復諭以洋人詭譎性成得步進步若事事遂其所求將來何所底止是欲弭釁而不免啟釁也如洋人仍有要挾恫喝之語曾國藩當力持正論據理駁斥庶可折敵釁而張國維國藩復奏中國目前之力未便遽啓兵端惟有委曲求全之一法因陳時事雖極艱難謀畫必須斷決伏見道光庚子以後辦理洋務失在朝戰夕和無一定

之至計遂至外患漸深不可收拾皇上登極以來守定和議絕無更改用能中外相安十年無事津郡此案因愚民一日憤激致成大變初非臣僚有意挑釁朝廷昭示大信不開兵端此實天下生民之福以後仍當堅持一心曲全鄰好以爲保民之道時時設備以爲立國之本二者不可偏廢八月調兩江總督國藩瀝陳病狀請另簡賢能開缺調理諭曰兩江事務殷繁職任綦重曾國藩老成宿望前在江南多年情形熟悉措置咸宜見雖日疾未痊但得該督坐鎮其間諸事自可就理該督所請另簡賢能之處著毋庸議十一月命充辦理通商事務大臣十年以楚岸淮南引地爲川鹽所侵占偕湖廣總督李瀚章定議與川鹽分岸行銷奏請武昌漢陽黃州德安四府專銷淮鹽安陸襄陽鄖陽荊州宜昌荆門五府一州暫行借銷川鹽湖南巡撫劉崐請於永寶二府試行官運粵鹽國藩復力陳二府引地不便改運部議皆如所請十一年二月卒遺疏入諭曰大學士兩江總督曾國藩學問純粹器識宏深秉性忠誠持躬清正由翰林蒙宣宗成皇帝特達之知洊陞卿貳咸豐年間創立楚軍剿辦粵匪轉戰數省疊著勲勞文宗顯皇帝優加擢用補授兩江總督命爲欽差大臣督辦軍務朕御極後簡任綸扉深資倚任東南

底定厥功最多江寧之捷特加恩賞給一等毅勇侯世襲罔替並賞戴雙眼花翎歷任兼圻於地方利病盡心籌畫實爲股肱心膂之臣方冀克享遐齡長承恩眷茲聞溘逝震悼良深曾國藩著追贈太傅照大學士例賜卹賞銀三千兩治喪由江寧藩庫給發賜祭一壇派穆騰阿前往致祭加恩予諡文正入祀京師昭忠祠賢良祠於湖南原籍江寧省城建立專祠其生平事績宣付史館任內一切處分悉予開復應得卹典該衙門察例具奏靈柩回籍時著沿途地方官妥爲照料其一等侯爵卽著伊子曾紀澤承襲毋庸帶領引見其餘子孫幾人著何璟查明具奏候旨施恩尋湖廣總督李瀚章安徽巡撫英翰署兩江總督何璟奏陳國藩歷年勲績李瀚章奏略云國藩初入翰林卽與故大學士倭仁太常寺卿唐鑑徽寧道何柱珍講明程朱之學克己省身得力有自遭值時艱毅然以天下自任死生禍福置之度外其過人識力在能堅持定見不爲浮議所搖用兵江皖陳四路進攻之策剿辦捻匪建四面蹙賊之議其後成功不外乎此英翰奏略云自安慶克復後國藩督軍駐紮整吏治撫瘡痍培元氣訓屬僚若子弟視百姓如家人生聚教養百廢俱舉至今皖民安堵皆國藩所留貽一聞出缺士民奔走婦孺號泣以

遺愛而言自昔疆臣湯斌于成龍而後未有若此感人之深者何璟奏略云咸豐十年國藩駐祁門皖南北十室九空自金陵至徽州八百餘里無處無賊無日無戰徽州初陷休祁大震或勸移營他所國藩曰吾初次進兵遇險卽退後事何可言吾去此一步無死所也賊至環攻國藩手書遺囑帳懸佩刀從容布置不改常度死守兼旬檄鮑超一戰驅之嶺外以十餘載稽誅之狂寇國藩授鉞四年次第蕩平皆因祁門初基不怯有以寒賊膽而作士氣臣聞其昔官京師卽留心人物出事戎軒尤勤訪察一材一藝罔不甄錄又多方造就以成之安慶克復則推功於胡林翼之籌謀多隆阿之苦戰金陵克復又推功諸將無一語及其弟國荃談及忠親王僧格林沁李鴻章左宗棠諸人皆自謂十不及一清儉如寒素廉俸盡充官用未嘗置屋一廛田一區食不過四簋男女婚嫁不過二百金垂爲家訓有唐楊綰宋李沆之風其守之甚嚴而持之有恆者曰不誑語不晏起前在兩江任內討究文書條理精密無不手訂之章程點竄之批牘前年回任感激聖恩高厚仍令坐鎮東南自謂稍有息安負疚滋重公餘無客不見見必博訪周諮殷勤訓勸於僚屬之賢否事理之原委無不默識於心其患病不起實由平日事無鉅細

必躬必親殫精竭慮所致也諭曰據何璟英翰李瀚章先後臚陳曾國藩歷年勳績英翰李瀚章並請於安徽湖北省城建立專祠又據何璟遵查該故督子孫詳晰覆奏披覽之餘彌增悼惜曾國藩器識過人盡瘁報國當湘鄂江皖軍務棘手之際倡練水師矢志滅賊雖屢經困阨堅忍卓絕曾不少移卒能萬衆一心削平逋寇功成之後寅畏小心始終罔懈其薦拔賢才如恐不及尤得以人事君之義忠誠克效功德在民允宜疊沛恩施以彰忠藎曾國藩著於安徽湖北省城建立專祠此外立功省分並著准其一體建立專祠伊次子附貢生曾紀鴻伊孫曾廣鈞均著賞給舉人准其一體會試曾廣鎔著賞給員外郎曾廣銓賞給主事均俟及歲時分部學習行走何璟李瀚章英翰摺三件均著宣付史館用示眷念勳臣有加無已至意尋賜祭葬十二年兩江總督李宗羲奏請將國藩入祀江寧府上元縣江寧縣三學名宦祠允之光緒元年大學士直隸總督李鴻章以國藩遺愛在民請於保定省城建立專祠並附祀省城名宦祠諭曰已故大學士直隸總督曾國藩自同治七年調任直隸總督舉賢任能整頓吏治以及治河練兵清理訟獄於地方利弊切實講求皆有成效並因天津河間水災籌助賑銀實屬遺愛在

民著准其於保定省城由該紳士等捐建專祠地方官春秋致祭並准附祀省城名宦祠以彰忠蓋十五年慈禧端佑康頤昭豫莊誠皇太后歸政追念功績最著諸臣各賜祭一壇國藩與焉十八年河南巡撫裕寬以國藩督師豫省弟前任河道總督國荃功德在民請於河南省城捐建一祠合祀詔如所請子紀澤襲侯爵戶部右侍郎自有傳紀鴻恩賞舉人孫廣鈞翰林院編修

### 駱秉章

駱秉章廣東花縣人道光十二年進士改翰林院庶吉士十三年散館授編修十八年十月記名以御史用十一月補江南道監察御史十九年五月稽察北新倉六月掌江南道監察御史二十年三月充會試同考官八月充順天鄉試同考官十月稽察銀庫二十一年補工科給事中二十二年二月遷鴻臚寺少卿五月擢奉天府府丞兼學政二十三年因查庫時失察庫吏虧短部議革職仍罰賠庫款旋以限內全數完繳又以翰庫吏時凡御史之查銀庫者多所連染獨秉章一介無所取上由是知之特旨以庶子用二十四年七月補詹事府左春坊左庶子充日講起居注官十月以山東肥城縣知縣長喆失察胥役詐贓及差役之子朦混

報捐秉章奉命偕廣福馳往查辦尋查明參奏褫長喆職二十五年丁母憂二十七年服闋二十八年五月奉命偕福濟馳赴河南查辦事件七月補右春坊右庶子八月查明禹州知州李嘉禮柘城縣知縣羅景鄂固始縣知縣嚴圻前任固始縣知縣張庭瑜安陽縣知縣朱顯曾等贓私不法各情奏請治如律並將挑濬賈魯河工程情形據實密陳旋遵旨由河南馳赴江蘇查明知府周沐潤知縣秋家丞等七員被參各款請分別治罪諭曰封疆大吏於屬員賢否原應隨時察看若必待欽差始將劣員懲辦安用此大吏爲耶該督等均著交部議處駱秉章不將該上司隨案附參亦屬疏忽著嚴行申飭時東南洋面不靖苦累商民疏言洋面遼闊宜飭海疆督撫提鎮督飭水師嚴密偵探更添配兵船互相堵截不得稍分畛域詔如所請十月擢翰林院侍講學士途次接奉諭旨折回山東查辦告病運司韋德成控案十一月擢湖北按察使二十九年閏四月遷貴州布政使七月調雲南布政使三十年三月擢湖南巡撫十月以常德岳州水軍及辰州等八協營駐守地方收成歉薄兵丁買食維艱請借給一月餉銀允之咸豐元年二月奏言上年武陵等處水患隄垸衝潰該處係積歉之區業民力難全修請於司庫留備

項下借銀發交各縣按照被淹田畝覈實修辦分年徵還又奏湖南所運荊州五幫漕糧上年被災緩徵幫丁無力辦運又無他款可籌請援案借銀三萬九千餘兩以紓丁力均如所請行時粵逆滋事命湖廣總督程裔采往湖南偕秉章及提督余萬清督辦湖南防務尋會同奏言粵匪北竄象州若與賀縣賊匪糾合必由修仁荔浦等處經過凡湖南邊界相通之處均酌派官兵嚴密防堵如可相機進援卽由提督余萬清馳往剿辦不分畛域疏入報聞十一月訪獲衡陽清泉會匪左家發等六十餘犯伏法十二月查明沅江縣金盆州等處官荒草地十二萬七千餘畝洵復難期奏請免租二年正月粵逆圍攻桂林湖南大小要隘五十餘處均關緊要秉章會商程裔采將前派赴粵之兵截留分布另調沅州澧州永順營兵速赴永州聽候調遣三月粵匪由興安灌陽竄攻全州永州與全州毗連水路尤爲迅捷秉章飭總兵孫照帶兵馳赴零陵之黃沙河將灣泊各船撤歸楚岸一面將湖北續到官兵擇要分布四月全州失守逆匪由小路偷越竄抵零陵之水士橋燒燬柳公廟一帶民房復竄奔雙排地方五月竄入湖南陷道州上以秉章未能先事豫防並以余萬清防守不力皆秉章保舉不實下部議處尋部議降三

級留任時長沙城多傾塌秉章擇要興修率屬倡捐經費請先借司庫銀二萬兩支墊允之尋以賊擾楚境命秉章勸諭紳民仿照嘉慶年間築堡事宜自相保衛秉章疏言築堡之法與團練相爲表裏賊匪無從搜括民居亦免流離洵屬法良意美惟工程旣大需用浩繁且興築須在事前未可臨渴掘井惟有督飭地方認真試辦俟有端倪卽據實具奏旋奉旨來京另候簡用時調任巡撫張亮基尙未抵任逆匪由道州疊陷江華嘉禾桂陽各州縣秉章以有地方之責下部議革職命加恩改爲革職留任八月郴州踞匪陷安仁攸縣由醴陵猝逼長沙踞南門外妙高峯上俯瞰城中秉章督兵登陴開放槍礮相持兩時之久並於城樓上用大礮轟擊賊勢稍卻復向大西門小西門鼇山廟等處潛行分駐秉章飭各鎮將分帶兵勇縋城協剿殲斃無數賊仍相持不退九月諭曰廣西興軍以來將及兩載朕念民生塗炭宵旰焦勞無時或釋程喬采總制兩湖特命前往湖南督管防堵如果布置得宜何至任賊竄越竟由道州郴州一帶直撲省城程喬采著卽革職仍留辦糧臺事務駱秉章有文武地方之責不能預爲防範咎亦難辭惟念長沙城內守禦正當喫緊之時著俟剿辦賊匪完竣後再降諭旨旋命暫留湖南辦理

長沙防剿事宜事竣再行奏明請旨時逆衆麤聚南門外之金雞橋瀏陽門外之  
教場晝夜環攻廣西提督向榮綏靖鎮總兵和春雲南楚雄協副將張國樑先後  
赴援秉章令和春紮營於白沙井以防爲剿疊次獲勝向榮張國樑由排頭口分  
兩路進攻礮船繼進逆賊紛紛敗竄遂將妙高峯西湖橋賊壘及望樓哨棚一律  
平毀十月長沙圍解上以粵匪竄入楚境疊陷城池秉章本有應得處分此次防  
守功過尙足相抵加恩免議仍命遵旨來京十一月賊竄寧鄉陷岳州部議革職  
上改爲降三級留任十二月賊入湖北境秉章於行次奉命留於湖北幫同辦理  
防守事宜未至而武昌失守命暫署湖北巡撫卽於荊州襄陽二府中酌量何處  
緊要暫行駐紮辦理地方事宜三年正月官軍收復武昌上命秉章兼程馳赴湖  
北省城辦理善後各事尋奏言武昌自康熙年間裁兵之變迄今百數十年休養  
生息民物滋豐粵逆擾及楚疆所有省垣一切撫恤事宜如修城製礮募兵招商  
戡匪協撥驛站掩埋被害官民收養流亡子女事事均關緊要應次第舉辦疏入  
諭曰所籌各事宜均屬周妥著照所擬辦理所需經費務當覈實動用俾窮黎得  
沾實惠地方日就乂安復以前任湖北布政使唐樹義熟悉湖北情形奏請調赴

武昌以備咨商允之三月命赴江南徐州總辦糧臺事務未行旋奉旨署湖南巡撫時粵匪陷武昌後湖北雲擾江西廣東廣西貴州等省土匪蠡起均與湖南接壤在籍侍郎曾國藩奉命籌辦團練始立湘軍秉章贊成其事又延湘陰舉人左宗棠襄理戎幕廣羅英俊之士練勇助剿軍威漸振五月江西上猶鵝形山土匪滋擾桂東秉章檄縣丞王鑫等剿平之六月逆船竄至江西南昌城外遵旨派鎮筓等營兵八百名馳往援剿七月奏請飭廣東督撫雇拖罟快蟹紅單等船卽派南澳鎮游擊黃開廣等管帶駛赴金陵剿賊可期得力詔如所請行八月授湖南巡撫時廣西興安恭城土匪擾及衡州飭道員徐嘉瑞督兵會同各處民團並力剿除廣東樂昌土匪同時擾興寧飭王鑫督兵擊退之十一月常寧匪徒吳玉等聚衆滋事派知府張榮組文生曾國葆帶勇圍剿拏獲首犯燬其老巢永興亦有土匪復委直隸州羅澤南分起剿捕首要各犯多被斬擒時粵匪久踞湖北黃州攻破田鎮直偪武昌秉章以兩湖省會唇齒相依檄六品銜江忠濬援鄂旋因逆船上駛竄陷岳州擾及湘陰並至靖江檄知府王鑫由陸路曾國葆由水路截擊賊由洞庭下竄遂復岳州旋派貴東道胡林翼統帶黔勇分路追剿直過界口殲

悍匪二百餘名四年正月賊匪再陷武昌旋以大股陷華容及岳州水陸並進圖犯長沙官軍失利賊遂進攻長沙之靖港湘陰之樟樹港等處並分股竄及寧鄉湘潭道州各州縣秉章奏言賊勢全注湖南知衡永郴桂一帶民氣尙強其地毗連兩粵向爲會匪卵育之區希圖略取各州縣翦枝葉以困腹心一如困鄂之策查南省與北省交界之處旣已千里蕭條若南省不及早肅清奸民從而響應不但省城勢成孤注難以久存卽界連湖南之江西貴州各省亦必浸受其禍且賊踞上游與江南三城之賊聲息相通皖鄂之淪胥可慮三城之克復難期所憂不僅東南數省已也湖南西接巫黔東連豫章南跨嶺嶠北控江湖其形勢原可有爲自古東南有事必資上游嘗與曾國藩籌商各省分防糜餉多而兵力薄不如數省合防糜餉少而兵力厚廣東貴州見尙安謐應飭兩省督撫迅派兵勇二三千名貴州由鎮遠而至廣東由郴州而至救援鄰省亦卽自固藩籬然統馭非人精卒亦歸無用查廣東知府吳均恩威素著貴州同知韓超善戰知兵均堪膺帶勇之選應檄調來楚差遣從之四月會同禮部侍郎曾國藩精練水陸各軍更番擊賊分派副將塔齊布等攻湘潭訓導江忠淑都司李輔朝各統楚勇先後繼進

清史 卷一百一十五 傳

知府褚汝航管帶水師駛往會合千總楊載福生員彭玉麟所統戰船四路轟擊遂復湘潭五月賊陷華容龍陽復陷常德府分派將弁往剿六月派知府羅澤南統帶水師會同塔齊布陸軍攻復岳州時江路已通重湖無阻而城陵磯下游猶有伏匪七月飭塔齊布督兵進擊賊勢大潰遂抵高橋閘七月曾國藩請將胡林翼帶赴湖北秉章奏言岳州新復必有重兵防守方爲計出萬全湖南官兵之曾經戰陣者均已調赴湖北若胡林翼復行隨征岳郡實無可依恃諭曰岳州一郡爲湖南門戶川黔藩籬逆匪屢次窺伺防範宜嚴且該處駐有重兵則曾國藩統師東下可無後顧之虞著駱秉章卽飭胡林翼仍駐岳州無庸隨往湖北先是衡陽清泉兩縣齎匪會匪甚多保甲催科弱者賠累甚苦強者勾結爲奸曾國藩奏請更正仍責成差役上命秉章查明具奏尋以保甲催科年清年款行之已有成效責成差役人地生疏查催不易差少則地廣難圖差多則衆益滋擾是杜弊適以滋弊便民反以擾民請仍循其舊上韙之八月廣東廣西各匪徒同時由灌陽犯道州派王鑫馳援擊退之五年二月廣東連州賊匪復分擾臨武藍山等處派知府江忠濬李輔朝等分路擊敗之克復桂陽州城時粵逆踞湖北通城分踞通

山復陷黃梅分擾武漢總督楊霈剿賊失利退守漢口復遁德安三月秉章疏劾之四月武昌再陷巡撫陶恩培死之秉章以李孟羣管帶水師不能得力奏請以副將楊載福代之與知府彭玉麟各督水師援鄂時胡林翼署湖北巡撫督陸師在金口堵剿楊霈慮難固守奏請令胡林翼設法渡江上扼漢川以固荆襄上命秉章悉心籌畫因奏言總督楊霈始終堅執者防賊北竄四字以北竄之患更重於南可藉以爲詞耳防賊北竄自不能不歸重荆襄荆襄者南方可由之以進窺陝豫北方可由之以俯瞰江楚自漢魏六朝以迄宋元皆以荆襄爲重鎮若以見在形勢言之江西湖南雖被賊擾形勢猶完湖北安徽皆有重兵勝負尙未可知設使湖北水陸兩軍移駐漢川長江千里盡委之賊其將置東南於不問乎此未解者一也移駐漢川祇能禦賊上竄襄陽其於荊州並無輕重逆賊水陸並進荊州門戶何存此未解者二也胡林翼陸軍旣駐漢川水軍無所依附勢非退守監利卽移泊岳州爲湖南門戶計尙未爲失然武漢各府豈能度外置之水軍旣去武漢武漢之克復難期此未解者三也若謂賊衆兵單不思廣濟失利之初賊之前隊千餘總督麾下兵勇萬餘乃退守黃州未一日卽退漢川由此而德安而隨

州今退至棗陽矣是北竄者賊也引賊北竄者誰乎此未解者四也夫以形勢言之荊州據江水上游襄陽據漢水上游而武漢爲之鎖鑰是襄陽者中原之門戶而武漢又荆襄之門戶也扼賊北竄必固荆襄欲保荆襄必守武漢此一定之局儻徒知北竄爲重何以舍武漢而先顧荆襄胡林翼若不能克復漢陽又焉能繞道進扼漢川況武漢黃均未收復胡林翼縱能繞至漢川亦以孤軍而駐於四面皆賊之地又何能爲荆襄門戶計乎此未解者五也臣因胡林翼一軍甚單見飭守備洪瓊林候補臬司魁聯抽撥兵勇赴鄂助剿楊霈所奏應毋庸議疏入奉硃諭所籌尙妥惟議楊霈失機各條實屬妄談居多該督固爲退縮有負朕恩尙不至如汝所言七月派道員江忠濟督兵擊退巴陵縣方山洞賊匪八月廣西股匪竄踞東安派知府王鑫會同江西知府劉長佑攻克之十月奏請通飭湖南有漕州縣裁汰漕規以紓民困得旨覽奏均悉汝久任封疆所陳皆歷練有據之論非以耳爲目者比六年正月貴州銅仁苗匪由鎮筸竄入麻陽派道員翟誥統兵擊退之並收復晃州松桃兩廳二月江西逆匪陷萍鄉檄道員劉長佑及知州蕭啟江擊退之復萍鄉城四月劉長佑等攻克瀘溪又敗賊於鳳凰山旋克復袁州府

分宜縣捷聞諭曰駱秉章自前年籌辦擡礮接濟曾國藩等大軍復派兵援剿貴州江西等省克復銅仁松桃萍鄉萬載並剿辦廣東連州廣西灌陽湖北通城等處賊匪均能不分畛域極力圖維又派兵越境克復江西袁州分宜兩城攻奪貴州銅仁要隘二處實屬盡心調度盡績堪嘉著加恩賞戴花翎十一月派翟誥進剿銅仁賊匪破其堡城生擒僞將軍董浩然等銅仁府境肅清上嘉其辦理妥速十二月以任滿奏請陛見命俟湖南防剿事竣再行請旨七年五月道員王鑫等馳援江西吉安陣斬賊首胡壽階臨江之賊潛約新淦之賊分路來援劉長佑督兵擊敗之知府張運蘭又追敗之十二月攻克臨江府城又派道員蔣益澧江忠濬等援廣西克復興安直抵平樂八年正月京察屆期諭曰湖南巡撫駱秉章籌畫軍務能任賢才悉臻安謐著賞加頭品頂帶九月奏保在籍兵部郎中左宗棠連年籌辦礮船選將練勇均能悉心謀畫得旨左宗棠著賞加四品卿銜十一月貴州鎮遠廣西思恩苗教各匪四出滋擾派按察使翟誥道員韓超等出奇兵破之毀其晃州屯塏山老巢九年七月粵逆石達開攻撲寶慶府城檄湖北荆宜施道李續宜花翎知府劉嶽昭等分路截擊斬馘甚衆賊遂大潰十二月秉章奏湖

南自江忠源羅澤南塔齊布等先後募勇訓練百戰粵黔江鄂之間其部曲之效命疆場者請於長沙建祠致祀其總兵瞿騰龍丁紹良等或在鄰疆擊賊捐軀或在本省力戰殞命請別建表忠祠並立求忠書院令陣亡各員子弟入院讀書尤之十年六月命馳赴四川督辦軍務七月授四川總督奏調廣西候補道朱孫詒候補道孫坦知府馮卓懷隨營差委並請留廣東鹽運使裕麟於湖南辦理籌餉事宜均得旨允行時滇匪藍朝鼎攻綿州衆十餘萬秉章督師由順慶取道潼川派總兵胡中和擊賊於楊老店知州曾傳理攻十賢關連破逆營十餘座解綿州圍復跟蹤追擊連燬賊壘七十餘座殲賊四萬餘人九月奏參四川布政使祥奎性情貪鄙副將張定川狡獪刁詐詔褫其職十月分遣官軍追剿藍逆於羅江之略坪場等處敗之餘匪竄陷丹稜會合眉州李永和一股聯營百餘里復派胡中和等分攻之同治元年正月克丹稜城藍逆殲焉捷聞諭曰四川總督駱秉章前在湖南巡撫任內剿辦賊匪不分畛域其所薦人才尤爲有裨實用自陞任川督辦丹稜股匪及整頓地方均能妥速著賞加太子少保銜時逆首周躡躡由滇境竄入岳池合州分陷新寧派遣員張由庚曾傳理等擊敗之收復各城李永和猶

盤踞青神檄總兵蔣玉龍副將唐友耕激勵各軍分路痛剿復派總兵蕭慶高胡中和何勝必沿途兜擊將首從各逆悉數斬擒餘匪圖竄陝西派總兵周達武等追擊之擒斬逆匪周紹湧及僞統領吳崇禮等一百六十八名解散四千餘名川南北一律肅清捷聞諭曰滇匪竄擾川省已經四載賂秉章督辦甫及一年卽能次第剿除洵屬調度有方著交部從優議敘先是粵逆石達開由廣西貴州竄入川境直撲涪州至是圍攻綦江竄踞長寧分擾珙高等縣閏八月復由永寧竄合州疊經官軍擊敗二年正月石逆被剿窮蹙率衆紆道黔滇渡金沙江冀由寧遠突犯川西秉章派兵嚴扼大渡河四月復派副將唐友耕參將楊應剛等圍之於天全生擒石逆餘黨圍殺淨盡秉章奏入諭曰僞翼王石達開由廣西倡亂竄擾湖南湖北江西占踞金陵復犯浙江廣東福建等省分擾滇黔注意川疆志在必逞其破城戕官荼毒生靈久爲覆載所不容此次川省將士人人用命將積年巨憝一鼓成擒全股殄滅實足伸天討而快人心賂秉章運籌決策調度有方深堪嘉尙著賞加太子太保銜五月滇匪經官軍擊敗後由陝西寧羌回竄川東秉章飭總兵周達武追剿平之逆首郭幅潰等伏誅六月以川省需才孔亟請調湖南

候補道馮崑前廣東按察使趙長齡赴川差委從之時捐納指省之員多指其流寓之省有礙官常秉章奏請禁止略言流寓是邦雖爲客民已在部民之列一旦混入寮案與地方官相抗或所捐職分較大動以勢分相陵使之臨民平時同居里巷之人易生藐玩而其親戚故舊夤緣請託情面尤難破除且寓居既久瑣細皆知藉故搜求挾嫌羅織在所不免請令指捐之員呈明所指省分並非向來流寓方准分發又奏各省獲盜人員仍照向例送部引見不得由督撫指定官階保奏均下部議行三年正月京察屆期諭曰四川總督駱秉章連年督辦軍務疊平巨股全蜀漸次肅清於鄰省軍務及地方整頓各事宜均能實力妥籌精勤罔懈著交部從優議敘六月江寧克復粵逆蕩平諭曰四川總督駱秉章前在湖南巡撫任內薦賢使能創辦團練克復城池其於楚師餉項悉心籌畫不遺餘力及擢任四川總督後督飭官軍殄滅石逆洵屬老成持重懋著公忠加恩賞一等輕車都尉世職並賞戴雙眼花翎九月檄官軍援甘肅漢南圍攻階州之賊拔其城斬擒首逆餘賊悉平十一月檄官軍助剿貴州號匪越境克復仁懷縣城四年三月奏患日疾假期已滿因邊境喫緊仍力疾視事奉諭覽奏具見矢志公忠以國事

爲己任仍趕緊調治就痊以慰廬系十一月奏川軍赴援漢南死事弁兵請於階州建立專祠以慰忠魂允之五年以目疾增劇疊請開缺回籍調理諭曰駱秉章自簡任川督以來於吏治軍務辦理甚爲妥協見在鄰境賊氛未靖籌餉籌兵均關緊要未便遽如所請著毋庸開缺賞假四月安心調理六年正月復屆京察上以秉章老成碩望宣力彌勤交部優敘三月奏請銷假接篆任事得旨覽奏欣慰川省鄰氛未靖該督當妥爲籌畫力顧邊防以副委任五月命以四川總督協辦大學士十二月卒遺疏入諭曰協辦大學士四川總督駱秉章忠誠亮直清正勤明由翰林洊擢卿階以廉介持躬仰蒙宣宗成皇帝特達之知先後命赴山東河南等省查辦事件旋簡授臬司擢任封疆在湖南十年練兵訓士甄拔人才東南巨寇賴以殄滅復荷文宗顯皇帝知遇特加頭品頂帶以示寵眷嗣命督辦四川軍務朕御極以後卽擢授四川總督統軍入蜀賞罰嚴明所向克捷滇粵各逆悉數殄除並越境攻克甘肅貴州各州縣因石逆被擒川省肅清論功行賞晉加太子太保銜旋以江南克復東南掃蕩念其昔年在湖南任內識拔將帥克振軍威忠藎咸孚勳勞夙著復賞戴雙眼花翎賞加一等輕車都尉世職本年夏間簡任

清史列傳  
綸扉老成碩望方冀克享遐齡長資倚畀昨因舊恙復發賞假調理遽聞溘逝披覽遺章良深震悼駱秉章著追贈太子太傅卽照大學士例賜卹任內一切處分悉予開復應得卹典該衙門察例具奏並加恩予諡入祀京師賢良祠並於四川湖南兩省建立專祠其生平政績事實著卽宣付史館伊子駱天保著賞給郎中服闋後分部行走駱天詒著賞給舉人服闋後准其一體會試伊孫駱懋湘駱懋勤駱懋仁駱懋勳均著交部帶領引見伊姪孫候選縣丞駱肇銓著以知縣分發省分卽補其靈柩回籍並著沿途地方官妥爲照料用副篤念盡臣至意尋賜祭葬予諡文忠光緒十五年慈禧端佑康頤昭豫莊誠皇太后歸政追念功績最著諸臣各賜祭一壇秉章與焉子天保恩賞郎中天詒恩賞舉人孫懋勤恩賞主事

桂良

桂良瓜爾佳氏滿洲正紅旗人父玉德閩浙總督嘉慶十三年桂良由貢生捐納主事分禮部十五年捐陞員外郎十九年補官二十四年京察一等記名以道府用尋授四川順慶府知府道光二年調成都府三年陞建昌道七年陞河南按察使九年擢四川布政使十年調廣東布政使十二年調江西布政使十四年二月

護理巡撫四月以省城糧穀稀少請撥借各屬見存倉穀運省平糶並以南昌等縣被水較重請援照成案增糶減價以裕民食奏入允之七月陞河南巡撫奏言豫省駐防閒散人丁生齒日繁多寡互異請照例均齊以資裒益庶遇有披甲缺出挑補不至偏枯從之十五年會勘原武分溜支河請先期籌款購備楷石十六年又奏勘北岸原陽兩汛支河情形請趕辦土石兩工籌防大汛又以武涉縣沁隄殘缺卑薄亟應修築均如所請行十八年三月奏籌議查拏私確章程一嚴辦私販一稽察偷漏一嚴緝偷越一杜絕包庇得旨議行八月奏查明河南汲縣潞州屯地方有墳塔廟碑實爲邪教祖庭並將揚出碑文恭呈御覽諭曰汲縣知縣劉銘本既赴廟目覩情形並不查辦著革職拏問該府知府耿省修亦不據實揭參著一併解任嚴訊其無生老母塑像及廟碑卽派員全行拆毀並著桂良於查閱營伍時親至該處查驗卽將墳墓平毀飭屬嚴禁軍民人等毋許再聽信邪說煽惑人心九月遵議錢票章程查明河南各府廳州縣開設錢鋪均係見錢交易雖有用錢票之時一經持票取錢無不立付實與見錢無異惟立法不厭周詳應請照京師錢鋪之例同行五家聯保儻有侵蝕潛逃照例辦理俾奸商知儆流弊

永絕從之十月奏勸明豫省黃河兩岸隄堰宜加幫加高或加築子堰或補築舊壩或添築壩戢土格請由藩庫撥款次第興工如所請行十九年三月擢湖廣總督尋奏言查河南地方無生老母廟共有三十九處均係建自前明見已拆毀並將前案人犯從嚴懲辦諭曰河南習教重案屢經查辦何以尙有餘孽膽敢重修祠宇此皆從前不能認真查毀所致嗣後境內如有此等淫祠立即拆毀毋稍徇隱六月調閩浙總督十二月調雲貴總督二十年兼署雲南巡撫遵議滇省各屬捕盜事宜一盜案初起速移鄰封協捕一盜竊之案宜嚴懲牌保一城鄉居民宜守望相助一審鞠盜案無令苦累事主奏入允之二十二年奏整飭稽察營伍章程略曰池南池西二道皆兼兵備之銜本有講武之責所有池南池西各標鎮協營官兵應責成該二道就近稽察其提督兼轄之武定州一營亦應委池西池南道稽察池東道本不兼兵備之銜應改爲兵備道將池東地方各鎮協營官兵責成該道就近稽察如此明定章程逐層稽察庶於營務邊防益昭周密下部議行二十四年奏言漢民佃種夷田相沿已久未便紛更滋擾請將各戶應納土司田租查明造冊立案照數交收以杜釁端從之二十五年正月奏黔省下游鎮遠黎

平都勻三府及古州一廳山多險峻苗俗桀驁以盜爲生州縣差役無多緝捕不能得力擬於鎮遠古州各營兵百名內酌量挑選勇健者或十名五名專拏盜賊以佐差役所不及仍不准州縣差役藉詞委卸庶責成旣專緝捕益增周密盜風可息上躋其議四月入覲諭曰連日召見雲貴總督桂良年甫六旬精力大遜於前難勝兩省總督之任著留京當差旋署鑲黃旗蒙古都統兵部尙書授正白旗漢軍都統管理正黃旗新舊營房十一月調熱河都統二十八年二月命來京諭曰桂良之女指六阿哥爲婚所有應行事宜著各該衙門照例辦理十二月入宴保和殿二十九年六月授鑲紅旗漢軍都統兼署正白旗漢軍都統八月管理右翼幼官學三十年七月充崇文門副監督十二月充隨圍都統咸豐元年正月調鑲白旗滿洲都統二月命考驗八旗軍政四月署正藍旗滿洲都統八月署吏部尙書尋授福州將軍二年四月授兵部尙書命來京供職七月授正藍旗漢軍都統十一月以在福州將軍任內捐備軍餉銀一萬兩賞戴花翎三年二月充右翼監督三月奏言京師爲根本重地各門稽查尤宜周密而廣渠右安兩門均有稅務恐匪徒乘間潛入應請每門由八旗添派佐領防禦等章京一二員帶領八旗

兵丁二三十名白晝嚴密稽查夜間即在各門住宿並請飭各旗副都統隨時稽覈如有奸匪混入即從嚴懲辦從之三月管理新舊營房奏請修補城上堆撥得旨議行尋署正紅旗漢軍都統五月粵逆竄河南陷歸德上以直隸大名與河南接壤命總督訥爾經額扼要防剿復命桂良馳赴直隸省城駐紮爲後路聲援七月諭曰保定省城爲畿輔重地該尙書務即督率文武實力巡防不可稍有疏懈又以直隸與山東河南地方毗連諭嚴飭各委員及地方官於交界地方實力嚴查毋令賊匪闖入先是上聞直隸望都縣並唐縣地方均有匪徒肆擾諭桂良查明具奏並嚴飭帶兵員弁會同地方官趕緊捕獲毋令蔓延至是奏此案賊匪因拒捕挾嫌起釁竄至唐縣地方已派員拏獲多名八月諭曰晉省爲神京右臂固關等處皆與畿輔毗連關繫甚重桂良見駐紮保定著於交界地方妥籌堵禦嚴密布置總以查拏奸細鎮定人心爲要時逆匪已竄入平陽復擾洪洞縣境復諭曰畿輔重地拱衛神京該尙書鎮守省城尤宜盤詰奸宄毋令乘間混入其各路探報著隨時據實奏聞以慰朕念賊尋由洪洞東竄諭曰山西代州地方有小道可通紫荆關直達易州儻賊由此竄入關係甚重桂良駐紮省城相距不遠著迅

籌布置嚴飭文武員弁實力堵禦勿使偷越九月奏賊竄臨洛關並擾隆平柏鄉等縣得旨直隸總督著桂良補授務卽悉心籌畫與勝保調派將弁兵勇迅速剿截盡殄賊氛以副委任尋奏參藩司張集馨擅將要隘官兵調赴他處且自調赴東路防堵遷延觀望半年以來並未接仗獲賊得旨著革職發往新疆效力贖罪又查明直隸被擾沙河等十三州縣災民情形應請蠲緩下忙應徵新舊糧租及各折色口糧並截撥豫東新漕糧米十萬石以爲賑恤之用允之賊尋陷隆平柏鄉二縣擾及趙州並圖分股東竄上命桂良扼要堵截賊旋竄藁城勢剽甚諭曰藁城至正定惟恃滹沱河阻隔著該督嚴飭地方文武員弁趕緊將沿河船隻概行撤收毋任逆匪乘間偷渡該匪被剿若不北渡滹沱河必竄河間天津著隨時調撥各兵併力兜截賊復由定州分股竄深州上以河間天津尤關緊要命桂良統籌全局嚴密布置十月賊竄天津諭曰逆勢剽疾萬一乘虛西竄不可不防該督惟當相機籌辦以妥速爲要省城情形及賊蹤所向仍著確探飛報以慰朕念尋以天津獨流壘獲勝仗大兵雲集奏請飭京外各官一律捐輸以助軍餉又請撥天津鹽運兩庫及道庫銀兩以資接濟均從之旋諭曰賊情詭譎恐由僻路直

竄省垣著嚴飭地方關於水陸扼要處所派兵認真堵截並嚴飭河間保定所屬地方一體嚴防毋稍疏忽十二月上以土匪搶奪貽害地方與賊無異諭督飭所屬文武員弁實力嚴拏盡法懲治至靜海東南一帶各村鎮辦理連莊聲勢甚爲聯絡著該督分飭所屬勸諭各鄉團嚴緝奸宄俾地方漸就肅清又諭曰天津見當防剿喫緊之際凡守禦撫輯事宜均關緊要自天津知縣謝子澄陣亡後其員缺尙未揀員請補茲有人奏武清縣知縣胡啟文素得人心饒陽縣知縣秦聚奎以練勇禦賊賊不能犯等語著桂良悉心體察如該員等於天津要缺可期勝任卽揀一員請補如不甚相宜卽另揀員請調不必以奉有諭旨稍涉拘泥四年正月奏言獨流鎮賊匪全數竄回靜海靜海之匪亦燒毀城內房屋向西南各村逃竄已嚴飭各地方文武設法抵禦二月請飭署提督張殿元帶兵在武邑縣防堵並飭副將達年於要隘處相機設防以資保障得旨此摺著鈔給僧格林沁等閱看三月奏參帶兵散秩大臣穆輅健銳營翼長雙僊不能約束官兵以致傷官擾民請交部議處從之又奏查明直隸滄州失守城守尉德成等及駐防官兵殉難婦女共一千八百三十七名口請敕部分別旌卹以勵忠節諭曰覽奏甚慘可憐

可憫之至四月拏獲逆犯高剛頭置於法又奏言江浙米船八成載米二成載貨其所載之米值銀八百兩准免貨二百兩之稅得旨應如是辦理又奏直隸省城鼓鑄大錢應須銅斤請飭江蘇巡撫先將道光九年代購洋銅二十七萬斤委員解直以資鼓鑄復請於雲南委員蔡得樞領運銅斤項下借銅十萬斤以資接濟從之尋諭曰私鑄當百大錢罪名業經刑部從重定擬但近畿一帶愚民或未深悉仍前盜鑄著桂良將新定私鑄罪名飭屬徧行曉諭並認真設法嚴密查拏有犯必懲七月奏英吉利等國兵船到津八月奏英美二國使臣欲求赴京呈訴尋諭曰吉爾杭阿奏英美法三國使臣欲同赴天津變通咸約該撫反復開導不能阻止已密諭文謙雙銳如果該船駛至卽一面速奏一面知會桂良妥商開導之法此時守城要緊該督不必遽赴天津當此畿輔未靖不可稍涉張皇致生事端並著隨時密派妥員赴津查探情形據實馳奏又諭曰昨因英美兩國船隻駛抵大沽桂良應否親往已諭令該督妥籌辦理並將崇綸交該督差委桂良務當仍遵前旨如到津時斷勿輕與該使相見以符定制仍令崇綸剴切曉諭不可另生枝節是爲至要五年五月奏請籌撥官兵火藥器械聽候調遣勿使臨時貽誤從

之六月山東巡撫崇恩奏山東洋面屢有盜艇闖入窺伺漕糧並有火輪船二隻恐彼等聲東擊西盛京直隸沿海一帶地方必須亟籌防剿得旨天津口岸一帶最關緊要此時海運漕船甫經報竣該處爲商賈輻輳之區尤應加意防備著桂良督飭天津道嚴密防範七月奏撥大名等鎮官兵一千五百名交大名鎮總兵統帶會同大名道駐紮黃河北岸蘭河渡口一帶防守得旨據王履謙奏稱河北衛輝府新鄉縣連莊會聚衆圍城並糾鄰近各縣希圖抗拒官兵等語因思防守下游固屬要緊而新鄉刁徒滋事尤刻不容緩著桂良卽將大名防河官兵一千五百名交該鎮道統帶就近取道衛輝前往新鄉相機助剿九月東河蘭陽汛黃水漫溢延及直隸開州東明長垣各州縣桂良請將直隸繳回寶鈔二萬五千串發給備賑並請截留山東濟東前幫米麥豆三項共一萬二千三百餘石以資接濟均從之尋命以直隸總督協辦大學士十月上念直隸各州縣被水情形命桂良飭令該地方官出示勸導乘水落歸槽之際卽令紳耆人等估工集料剋期興築俟工竣後所有出力出貲官紳均著該督分別保奏六年三月以籌備糧儲率屬倡捐酌擬章程六條入奏得旨交部優敘所擬獎敘章程著戶部議奏六月永

定河正隄漫溢壩身蟄陷請親往勘辦得旨該督見已往工查辦著卽飭該員弁趕緊盤築裹頭毋令續有刷塌其被淹各村莊卽查明撫恤七月永定河北岸漫溢各汛隄埽計衝缺二十餘丈請趕緊堵築十月奏壩工一律完竣十二月遵議嚴懲逃兵章程略言隨征官兵潰散除情有可原者貸其一死儻無故潛逃及聞警先遁照原例斬立決加以梟示其發遣爲奴者枷號示衆兩月再行發往從之尋擢大學士命來京授正藍旗蒙古都統七年正月授東閣大學士三月命管理刑部事務署正藍旗滿洲都統四月孝靜康慈皇后梓宮永遠奉安禮成賞加一級五月調正白旗滿洲都統八年四月命馳赴天津海口查辦事件六月奏洋船退出海口請將天津出力員弁紳商酌給獎敘從之六月命馳驛前往江蘇會同何桂清妥議通商稅則事宜九月授文華殿大學士補內大臣九年六月回京諭曰本日據桂良奏將美國使臣華若翰照會該大臣公文呈閱見其詞氣甚屬恭敬出於至誠所有該國使臣齎來國書卽派桂良接收至換約一節本應回至上海互換朕念其航海遠來准將和約用寶發交恆福卽在北塘海口與該國使臣互換自換之後永遠和好通商以示朕懷柔遠人敦信崇義至意七月署經筵講

清史 列傳 卷一百一十五  
官八月命毋庸進內大臣班嗣後一切引見毋庸帶領十年正月以辦理山東省秋審情實孟傳冉一案錯誤降一級留任又以刑部京察保送不實降二級留任尋以上三旬萬壽賞加太子太保銜七月復授欽差大臣赴天津辦理事宜八月回京命仍往天津與美使面議一切尋派留京大臣仍在城外毋庸入直十一月以辦理各國事宜妥協交部優敘十二月命督辦各國通商事務十一年二月上以團防事務較簡命毋庸在紫禁城內住班三月署鑲藍旗蒙古都統稽察欽奉上諭事件處七月穆宗毅皇帝御極九月諭曰本日召見恭親王奕訢帶同大學士桂良乃載垣等肆言不應召見外臣擅行攔阻其肆無忌憚何所底止前旨僅予革職不足蔽辜著恭親王奕訢桂良等卽傳旨將載垣端華肅順革去爵職會同大學士九卿翰詹科道嚴行議罪十月命在軍機大臣上行走管理欽天監算學事務充實錄館監修總裁同治元年正月京察屆期上以桂良在軍機大臣上行走實力助勦和衷共濟下部優敘六月卒遺疏入諭曰大學士桂良志慮忠純器量淵粹渥承四朝知遇由部曹擢任道府洊陟封圻歷任將軍都統蒙文宗顯皇帝優加擢用由直隸總督洊登揆席並令來京供職總理部旗事務朕御極之

初蒙我兩宮皇太后任用耆臣重加倚畀特授爲軍機大臣與議政王等夙夜在公商榷庶務用資輔弼方冀遐齡克享恩眷長承乃因偶染時病遽爾溘逝遺章披覽猶惓惓於用人行政語不及私閱之不禁墮淚著賞給陀羅經被派醇郡王帶領侍衛十員卽日前往奠醊加恩晉贈太傅照大學士例賜卹入祀賢良祠著賞給廣儲司銀一千兩治喪任內一切處分悉予開復應得卹典該衙門察例具奏伊子孫百日孝滿後著該旗帶領引見用示朕篤眷忠盡至意尋賜祭葬予諡文端七月諭曰大學士桂良溘逝業經派醇郡王帶領侍衛前往奠醊並降旨優加賞卹茲聞舉殯在卽眷懷忠盡感愴殊深本月二十二日著再派恭親王帶領侍衛十員前往賜奠用示朕優禮耆臣有加無已至意五年文宗顯皇帝實錄聖訓告成賜祭一壇光緒十五年正月慈禧端佑康頤昭豫莊誠皇太后歸政以桂良前充軍機大臣夙夜在公襄成邇治命賜祭一壇子延祺候選筆帖式延祐四川候補道

### 官文

官文王佳氏滿洲正白旗人先隸內務府漢軍正白旗道光元年由拜唐阿補藍

翎侍衛六年授三等侍衛十二年擢侍衛副班領十八年二月遷二等侍衛班領十一月陞頭等侍衛續辦事章京二十年記名以副都統用二十一年授廣州漢軍副都統二十七年調荊州右翼副都統咸豐二年捐輸軍餉下部議敘三年粵匪由湖南沿江下竄陷漢陽將犯荊州將軍台湧赴德安防堵命官文專統荊州防兵四年二月擢荊州將軍三月賊陷安陸又陷荊門官文令遊擊王國才參將佟攀梅分駐龍會橋丫角驛賊尋陷宜昌荊州危急時駐防兵多調赴省城及分扼要隘城中僅二千。人官文奏請催調川兵協剿並請於鄰省籌撥兵餉四月賊陷監利復之又復宜昌石首華容荊州七邑以安時武昌被圍急官文飭佐領錫齡阿等攻沔陽之府場總兵雙保福忻規復潛江由襄河赴省助剿檄安襄鄖荆道羅遵殿等駐兵府河扼賊上竄並令歸州知州書紳帶兵斷賊竄入大江之路六月武昌失守命官文統籌全局迅復武漢因疏言逆賊詭詐多端軍情隨時變幻武漢之賊一日不盡荊州一日不能安枕賊踞漢陽漢口倚江爲險斷我糧道阻我援兵武昌隔江孤懸難守今欲攻武昌必先圍漢陽欲圍漢陽必由襄河進兵能克漢陽漢口卽以賊所恃之險爲我所恃武昌可圖矣前派雙保由潛江進

擊因兵力過單飭羅遵殿備船百艘由仙桃鎮蔡店達漢陽探悉撫臣楊需來楚  
卽歸調遣撫臣或由雲夢應城進兵亦可夾攻檄福忻往潛江接應雙保知縣吳  
振鏞守備鍾埈等各率所部規復沔陽疏通道路直達漢陽協剿使賊首尾不能  
相顧至湖南岳州見爲賊踞南北援兵均受牽制爲今之計尤應先剿岳州之賊  
聞欽差大臣曾國藩統礮船駐湘陰署提臣塔齊布兵入州境見已飛咨迅速進  
剿早復岳州分兵阻住江路復派同知銜李光榮等統帶川勇在調絃口防堵協  
剿岳州使荊州長沙聲氣相通同知銜張于銘在監利尺八口設防遙爲聲援都  
司宗維清等沿江接應荊州僅贓旗兵應分派防守要隘副都統貴陞率王國才  
佟攀梅等於各路隨時接應庶幾可進可退不致有顧此失彼之虞疏入報聞尋  
曾國藩等克岳州賊艘悉出大江官文檄涼州副都統魁玉總兵楊昌泗等往螺  
山一帶防堵大江殲賊黨甚多進抵武漢八月復武昌省城交部優敘時漢陽漢  
口相繼復曾國藩塔齊布進攻九江五年正月總督楊需師潰德安漢陽漢口復  
陷二月武昌陷三月德安綏州均陷四月詔革楊需任以官文爲湖廣總督師次  
安陸五月抵襄陽疏言賊自隨州逸出退踞德安經官兵疊挫兇鋒不難剿辦惟

天門京山偏近安陸道路處處可通儻被竄入襄河句連仙桃鎮以下股匪不獨荆襄在在堪虞上游各處均可北竄若不四面圍攻必致此擊彼竄滋蔓難圖見派兵一由天門阜市進擊一往京山防守駐師安陸爲兩路應援並咨固原提督孔廣順嚴兵堵禦伺隙進取署提臣納欽爲後應如克德安留該提臣分兵駐守北兵出府河攻漢口嚴密布置北路似可無虞俟欽差大臣西凌阿入楚卽統兵從襄河兩岸水陸並進由漢川進攻漢陽疏入上驛之七月西凌阿軍在德安失利退保隨州九月命官文爲欽差大臣馳赴德安妥籌攻剿十月德安賊棄城走官文躡追南下直擣漢陽十二月官文督軍三眼橋進薄漢陽西門橋焚賊卡又敗賊龜山尾湖隄等處至五顯廟焚賊舟破賊卡二毀其東西土城上賜福字及大小荷囊銀鏢銀錢並諸食物六年正月賊於漢江北岸造浮橋從西門及龜山下分隊來犯敗之分兵駐沙口斷其糧道並令京口副都統都興阿攻圍風焚積聚賊勢漸蹙三月奏請設局荆宜二郡收鹽課助餉從之八月疊破漢陽城外賊營九月連戰皆捷賊益蹙時巡撫胡林翼規復武昌十一月與官文約水陸大舉同日分攻武漢官文督軍由五里墩進擊檄按察使李孟羣及王國才楊昌泗分

路進攻水師礮船於東門環城轟擊探知五顯廟卡賊較少急攻之破其卡龜山之賊回援復爲李孟羣所乘王國才楊昌泗由西南門鼓譟入遂復漢陽俘僞將軍等五百餘人殺賊略盡胡林翼亦復武昌奏入諭曰逆匪踞守武漢幾及二年此次同日克復堅城逆匪鮮有漏網官文督率有方著賞戴花翎並交部議敘尋命官文等統籌戰守全局七年正月偕胡林翼疏言湖北省爲長江上游要害武漢尤九省通衢自來東南有事必爭之地前此未能守禦三次失陷力攻兩載而後克之目前相機防剿不令賊乘間上竄蹈從前覆轍業派記名按察使李續賓帶勇由南岸都興阿孔廣順王國才由北岸鄖陽鎮總兵楊載福督水師由江路進剿見北岸黃州至黃梅南岸武昌至興國均已肅清崇通一帶搜捕殆盡李續賓抵九江偪城而營與曾國藩會合進攻楊載福將城外賊營焚燬惟小池口賊壘未拔派副將鮑超帶勇助攻連獲大勝安徽之英山太湖宿松望江接壤湖北皆爲賊藪有窺伺上犯之心飭王國才駐黃梅之大河鋪界嶺巖攔截要隘孔廣順駐蘄水之孔壠驛巴揚阿率馬隊爲各路援應以固楚北門戶查道士汛水關溜急田家鎮兩山對峙水師皆難久駐見酌留各營遊巡江面足備控馭通籌大

局我軍已據水陸上游實蓄破竹建瓴之勢所慮江西七府未平武昌尙有肘腋之患賊若由通城崇陽興國竄徧武昌反出九江各軍之上自當固守武昌以爲後路根本武漢一江相望天成鎖鑰漢鎮尤商賈輻輳之區今殘破一空速爲招集撫綏使民庶安居商賈復業乃可通百貨而利轉輸見擬暫駐武漢相機籌畫節節進取仍步步嚴防庶軍情無返顧掣肘之虞轉餉有源源不竭之利疏入報聞三月羣賊敗回宿太官文以賊勢漸衰亟宜大舉檄楊載福都興阿等克小池口僞城進圍九江分剿宿太九月復湖口彭澤八年四月復九江賞太子少保銜皖賊陷麻城黃安旋復之太湖英霍賊圍蘄州破之七月巡撫胡林翼丁憂官文以軍務緊要請留林翼照軍營例改爲署理從之並命官文暫行兼署九月命以湖廣總督協辦大學士時英山太湖賊復犯蘄州大敗之並擊敗彌陀鎮南陽河諸賊十月李續賓戰歿廬州之三河鎮官文分兵扼蘄州廣濟麻城諸隘固守九江彭澤水師嚴防江面九年三月賊擾湖南圍寶慶官文檄荆宜施道李續宜赴援大破之寶慶圍解先是武漢克復官文卽奏請抽撤陸營官兵設立長江水師派鎮協一員專領至是奏稱各營兵額已扣出二千名備水師充補俟皖省蕩平

卽酌撤礮船水勇改立水師專營以重巡防而資控扼其先後扣撤兵額月餉由藩司按數扣存爲將來新設水師之費查馬戰兵月餉一兩五錢守兵月餉一兩改設水師長川操防不敷養贍尙須另議酌增但不得過見在水勇之數湖南洞庭水師有名無實將來亦應統歸長江水師總領節制按季會哨或添設水師提督一員兼轄安徽江西各省水師期於事權歸一呼應較靈長江上下首尾聯爲一氣實於天塹兵威大有裨益俟屆時詳定章程奏聞十二月復太湖上以官文調度有方先行交部優敘十一年正月授文淵閣大學士三月皖賊陳玉成擾羅田麻城副將余際昌兵潰賊長驅至英山官文檄副都統舒保禦之三月復孝感雲夢應城黃安黃陂五月疏請由楚招商採辦淮鹽略曰楚省舊食淮鹽自粵逆踞金陵江路梗阻商賈星散淮引不至前署督臣張亮基奏請借食川鹽乃自上年川匪滋事產鹽之地屢被蹂躪商賈觀望不前鹽價驟增民間苦於食貴查楚北近年整頓水師長江上下分設礮船梭織巡防商船尙可隨時輓運當此楚北鹽缺價昂亟宜乘機利導力籌淮運漸復舊規惟慮淮南復業無期擬於漢岸招募商販變通試辦運至漢岸行銷循照楚北章程按斤完納釐稅以濟軍餉其入

楚川鹽應仍照常行銷並行不悖俟淮鹽辦有成效再行察看情形停止川鹽奏入下部議行時逆首李秀成擾興國通城六月破之復通城崇陽咸寧蒲圻擊退興國大冶通山之賊南岸肅清旋復德安八月復安慶賞加太子太保銜時桐城宿松黃梅蘄州廣濟黃州相繼復十月黔匪陷來鳳捻匪圍棗陽旋擊走之十二月捻首苗霽霖據安徽壽州上命官文等熟籌剿撫二策因疏陳苗逆包藏禍心罪大惡極宜伸天討同治元年正月復來鳳六月遣副將周鳳山等剿捻於河南信陽羅山破之八月荊州將軍多隆阿奉命督兵赴陝踰期未到官文未遵旨嚴催奏報又復遲延部議降二級留任上加恩改爲降一級留任尋官軍破黃梅捻巢收復樂家等十四寨淮南捻蹤肅清閏八月授文華殿大學士時大軍屯楚豫之交官文以楚兵不敷分布奏調多隆阿回援九月多隆阿抵湖北屢戰克捷襄河以北賊皆遠遁二年五月疏言選舉古法寓於優貢請特加擢用以收實效而廣登進下部議行九月亳州捻首程大坎等竄鍾祥分股擾德安應山復圖撲漢口官文飭總兵楊朝林等敗之三里城賊走羅山應山賊竄孝感敗之李家灣雙廟又追及麻城之宋埠大破之餘賊遁還河南十二月奏言各省優貢已奉旨照

拔貢一體覆試錄用湖南選舉優貢請照中省定額辦理下所司議行三年四月奏劾湖北巡撫嚴樹森把持兵柄剛愎用事得旨嚴樹森著以道員降補六月克復江寧諭曰欽差大臣大學士湖廣總督官文徵兵籌餉推賢讓能克復楚北郡縣多處肅清全境並籌辦東征軍務接濟餉需不分畛域實屬盡勤卓著著加恩封一等伯爵世襲罔替並加恩將其本支勿庸仍隸內務府旗籍擡入正白旗滿洲賞戴雙眼花翎四年四月欽差大臣科爾沁親王僧格林沁剿捻於山東陣亡上以髮捻前擾湖北官文督師兵力甚厚不能就地殲除僅以驅之出境爲事致賊得以遠颺蔓及東豫等省交部嚴議降三級調用上加恩改爲革職留任拔去雙眼花翎撤太子太保銜五年正月與曾國藩議奏長江水師營制事宜下部議行四月以漢鎮地當衝要請勸諭紳商捐費就後湖一帶築堡開濠設立礮臺以資保衛允之十一月湖北巡撫曾國荃疏參官文貪庸驕蹇各款上命刑部尙書綿森工部右侍郎譚廷襄赴湖北查辦尋奏稱查原參內上年餽送侍郎胡家玉等程儀一款據官文覆稱錢漕鹽釐關稅捐輸均歸糧臺實用實支並無浮冒惟漢陽竹木捐一款有給與議敘內獎者移解糧臺充餉其零星不請議敘外獎者

歸糧臺軍需善後動支上年胡家玉張晉祺差竣入都道經湖北該督因向章係由省籌撥公款於外交款內提銀應付又以道途多梗仍於款內備二千兩爲胡家玉等沿途添雇車馬犒賞之用委非糧臺正款覈對原參之數約略相符上撤官文任聽候查辦六年正月諭曰前因官文在湖廣總督任內動用捐款各情當經降旨交部嚴加議處茲據吏部議以革職自屬咎有應得惟念官文在湖廣總督任內十餘年歷經會同胡林翼曾國藩廓清江鄂勦勞甚著而被議各款尙非貪污欺罔可比若遽予以罷斥殊非朝廷保全功臣至意大學士一等伯官文著革去湖廣總督加恩仍留伯爵大學士改爲革職留任八年無過方准開復並罰伯俸十年不准抵銷卽來京供職四月到京命管理刑部事務賜紫禁城騎馬授正白旗蒙古都統五月兼署鑲白旗蒙古都統六月充稽察壇廟大臣旋以官文七十生辰御書綸閣延暉扁額福壽字並諸珍物賜之充玉牒館總裁八月署正藍旗滿洲都統充繙譯鄉試閱卷大臣十月充武鄉試監射大臣十一月署直隸總督七年正月擒匪北竄衡水定州上以官文毫無布置任令北竄交部嚴加議處七月擒匪平諭曰官文前在湖廣總督任內暨本年擒匪竄直隸時均因會剿

不力疊經降旨懲處此次擒匪悉平著加恩開復太子太保銜並賞還雙眼花翎以示錫爵酬庸用彰慶賞至意八年二月卸署直隸總督六月管理戶部三庫事務補內大臣自元年三年至九年正月三屆京察均蒙溫諭褒嘉下部優敘七月充崇文門監督十年正月卒諭曰大學士官文持躬端謹器量恢宏歷承先朝知遇由侍衛洊陞將軍蒙文宗顯皇帝優加擢用補授湖廣總督簡任綸扉特命爲欽差大臣督辦軍務與原任湖北巡撫胡林翼協力同心和衷共濟肅清全楚復籌辦東征軍務接濟餉需不分畛域厥功尤多金陵之捷特加恩賞給一等果威伯並將其本支擡入正白旗滿洲嗣令來京供職總理部旗事務旋署直隸總督敷歷中外久著勤勞方冀克享遐齡長資倚畀迺以偶染微疴遽爾溘逝披覽遺章殊深軫惜著賞給陀羅經被派惠郡王奕詳帶領侍衛十員卽日前往奠醊加恩晉贈太保照大學士例賜卹入祀賢良祠賞給廣儲司銀二千五百兩治喪任內一切處分悉予開復應得卹典該衙門察例具奏其一等伯爵著俟伊子榮綵百日孝滿後由該旗帶領引見承襲勿庸俟年終辦理用示篤念蓋臣至意尋賜祭葬予諡文恭七月諭曰李瀚章郭伯蔭奏前任督臣勲績最著懇請建祠一摺

原任大學士官文任湖廣總督十二年當地方兵燹之餘能持大體與歷任巡撫和衷共濟恢復全楚並次第舉行善政民氣得漸復元該省紳民至今稱頌著照所請卽將前建胡林翼專祠改爲官文胡林翼合祠列入祀典飭地方官春秋致祭以彰忠藎而順輿情光緒十五年慈禧端佑康頤昭豫莊誠皇太后歸政追念功績最著諸臣各賜祭一壇官文與焉孫興恩襲一等果威伯

翁心存

翁心存江蘇常熟人道光二年進士改翰林院庶吉士三年散館授編修四年大考二等命記名遇缺題奏旋擢詹事府右春坊右中允五年充福建鄉試正考官提督廣東學政六年轉左中允九年任滿命在上書房行走授惠郡王讀十年八月充日講起居注官九月遷翰林院侍講十一年充順天鄉試同考官十二年充四川鄉試正考官提督江西學政十三年正月補右春坊右庶子三月轉左庶子四月擢國子監祭酒均留學政任十四年任滿十五年充浙江鄉試正考官尋授奉天府府丞兼學政十六年補大理寺少卿十七年命在上書房行走授六阿哥讀十八年以母老乞養回籍二十五年丁母憂二十七年服闋二十九年七月命

仍在上書房行走授八阿哥讀復授國子監祭酒十二月擢內閣學士兼禮部侍郎銜旋授工部左侍郎兼署錢法堂事務三十年正月宣宗成皇帝陞遐充恭理喪儀大臣二月充實錄館副總裁調補戶部右侍郎兼管錢法堂事務八月江蘇巡撫傅繩勛奏請將蘇松二府太倉一州漕糧改徵折色下部覈議心存等以爲蘇松太三屬額徵米一百十四萬餘石一旦盡改折色恐京倉不敷支放尤慮不肖州縣借折色之名抑勒倍取是便民而適以厲民具疏議駁命兩江總督陸建瀛等按照所指各情節悉心體察事遂寢十月賜紫禁城騎馬咸豐元年八月充順天鄉試副考官閏八月兼署吏部右侍郎十二月陞工部尙書充經筵講官二年三月宣宗成皇帝梓宮奉安慕陵禮成賞加四級四月充新貢士覆試閱卷大臣殿試讀卷官命恭勘宣宗成皇帝實錄彙本五月充大考翰詹閱卷大臣七月充經筵直講實錄館總裁八月兼署都察院左都御史疏請嚴緝海盜劫案九月充武會試正考官十月充武殿試讀卷官是月疏陳各省教匪恐與粵逆聲勢相通請飭直隸山東河南各督撫認真訪查務使根株淨絕三年正月與廷臣宴二月粵逆陷江寧疏陳時務一速合剿以挫賊鋒賊若南竄蘇杭則財賦之區皆被

蹂躪若盤踞江寧南北分擾則咽喉阻塞爲患尤甚亟應乘賊計未定之時飭向榮相機渡江陳金綬進扼浦口以上海舟師溯流衝其前以江忠源鄧紹良之兵掩其後多備火攻焚其舟艦一添重兵以守江淮賊若北竄其途有二西路自江浦犯廬鳳東路由瓜儀趨淮揚應飭大兵進扼滁和而運河高寶諸湖舟楫宜盡拘藏防賊偷渡通州等處素稱產米之區鹽場在焉應飭併力守禦防賊窺伺一清捻匪以防滋蔓兗豫潁鳳之間捻匪四起最爲腹心之患急宜分兵彈壓可撫則撫應剿則剿以次翦除毋令合成大股一覈浮冒以收實用軍興以來部撥軍需二千五百餘萬兩防剿一無得力徒藉寇兵而齎盜糧宜嚴定章程以杜侵冒一恤災黎以甦民困自粵西以逮江左殘破州縣宜飭各督撫慎選牧令拊循彫瘵招集流亡築堡繕城防賊再至一籌糧石以實倉儲京東州縣產米最多奉天高粱尤夥請暫停開採濩斤以船規燒鍋兩項津貼購買糧石搭放俸餉藉裕民食一整紀綱以維根本京師者四方之本也近來免商捐停鋪稅綸音甫沛塵肆歡騰可見爲政之道在審民情而示以鎮靜不必妄議紛更庶根本固而紀綱立四方之觀聽不淆矣至畿輔開礦之舉流弊滋多宜亟行停止疏入上多採納三

月命偕大學士裕誠尙書柏葑會同戶部速議籌餉心存等議上六條並請推廣捐輸每省捐銀至三十萬兩者加文武鄉試定額一名每府廳州縣捐銀至一萬兩者加文武學定額一名詔如所議行是月疏薦湖北按察使江忠源請畀統帥重任從之四月充新貢士覆試朝考閱卷大臣五月命赴通州覆查海運米石調補刑部尙書復調工部尙書命兼管順天府府尹事務疏陳賊氛逼近急籌防剿事宜一扼河而守最爲目前要務應飭河北鎮道分段防遏所有防河船隻拘泊北岸毋以資賊一直隸大順廣一帶宜速調重兵防守以壯聲威一河南山西陝西各要隘應飭各督撫併力堵截杜賊西竄之路洛陽尤爲險要更宜嚴防一前調察哈爾土默特蒙古馬隊官兵在熱河綏遠城分駐應密飭整頓軍裝器械飛速進口內衛京畿外護山東山西兩省一京師九門內外應飭嚴緝奸宄以防竊發一海運米石及通倉存糧宜運入城內各倉存儲一逆賊負固江寧分踞揚鎮而潛向西北肆擾應嚴飭琦善等剋期收復揚州鄧紹良等進復鎮江然後以江北之師肅清淮甸江南之師會剿江寧並請飭江西湖北各督撫繕完江防爲補牢之計七月充考試學正學錄閱卷大臣是月疏陳順天府防守事宜一京師九

門內外向來畫界分治其營城界外始歸大宛兩縣管轄今擬變通辦理內城分東西兩路外城按五城地面各派員役協力巡查一東路自馬駒橋至通州分作五段西南路自黃村至盧溝橋分作九段每段設立窩鋪汛房各派員弁督兵按更傳籌一固安官渡爲南北要衝添委弁兵駐守渡口一團練規條擇簡要易行者令紳耆逐戶曉諭不派經費聽民自便仍力行保甲親歷周查得旨照議妥速辦理八月命查勘京師內外城牆先是順天府屬各營隸直隸總督管轄心存以軍務殷繁奏請將所屬弁兵暫准管調以資防衛允之九月粵賊竄天津參贊大臣科爾沁郡王僧格林沁督兵駐王慶坨命於順天府設立糧臺籌備乾糶數萬斤贏駝千餘匹車數百輛源源接濟毋少延緩心存先後奏請撥內帑銀三十二萬兩京倉米二千六百石以給軍食並偕部臣奏添製鑪鍋帳房鉛丸火藥詔皆從之復疏陳京城防守事宜請於編查保甲之中行按戶抽丁之法命妥議章程具奏尋偕大學士賈楨尙書朱鳳標奏守城章程六條一遴人才以專責成應設總辦二人幫辦數人經理其事一分方段以清地界京師居民於一方之中各按所分段落一體聯合其偏僻街巷畸零小戶就近併入一查戶口以別莠良各段

中人數戶數詳錄一冊隨時稽查一備丁壯以相保衛每戶各出壯了一人或二人守望相助不准官爲徵調一製器械以習技藝准各家長鋪主自製刀矛弓箭發給應用一除奸宄以安良善強劫盜犯許登時格殺勿論並舉光祿寺卿宋晉太僕寺卿王茂蔭綜理其事疏入命宋晉王茂蔭福建興泉永道何桂珍會同五城御史酌覈具奏悉如所請行十月奏修通州城並保舉武清縣知縣胡啟文辦團有效卓著循聲得旨陞擢十二月疏言軍營搭放票鈔諸多窒礙鈔幣之法施行當有次第此時寶鈔甫經頒發並未試用勢難驟用之軍營請飭戶部再議諭曰官票寶鈔原以濟銀錢之不足順天爲首善之區尤宜倡率遵辦該兼尹等謂須先由地方試行有驗方可行使是先存一試行無驗之心爲此阻撓之說是何居心所有應行次第施行之處著安速籌商俾無阻滯先是給事中賈世行奏通州捕役勾結土匪搶奪命刑部侍郎文瑞提訊至是訊明捕役王玉忠搶奪得財論罪如律並奏心存等僅據通永道初稟稱爲已革捕役實屬回護屬員下部嚴議尋議革職諭曰兼管順天府尹翁心存府尹宗元醇於該道海瑛兩次具稟並不詳細察覈僅據初稟含混入奏又未奏同知吳承祖承審此案顯係徇庇屬

員豫爲開脫且不候結案先期辨白希圖卸責更屬有心取巧翁心存宗元醇均照部議革職四年二月特旨起用授吏部左侍郎三月命覆查北新倉攬和米石調補戶部右侍郎兼管錢法堂事務五月充武英殿總裁六月請停鑄當千當五百大錢允之九月擢兵部尙書十月賜紫禁城騎馬十一月調吏部尙書充教習庶吉士十二月充經筵講官五年三月上謁西陵命留京辦事五月命管理戶部三庫事務六月署吏部左侍郎沈兆霖請暫設皖南巡撫心存等會議請以皖南徽寧池太廣兵備道改爲皖南兵備道專轄徽州寧國池州太平廣德五屬仿臺灣道例加按察使銜添設總兵一員統轄五營得旨允行七月命偕王大臣恭理孝靜康慈皇后喪儀十一月梓宮奉移慕東陵禮成賞加一級六年正月充國史館總裁賜御製詩六月疏陳吳中形勢略曰江南之蘇松常三府太倉一州與浙江之杭嘉湖三府壤地相連久爲賊所窺伺今寧國先陷逼近宜興向榮退守丹陽溧水句容相繼失守賊船若至宜興則已越東壩而南直竄蘇州路徑尤捷故防蘇州西南必先防東壩宜興應敕向榮嚴扼丹陽而亟抽精兵令張國樑等統之駐紮宜興控扼東壩別簡水師分駐太湖庶蘇常兩郡可保無事又近有按畝

捐輸之說既失政體又竭民財請查明停止上嘉納之十月充翰林院掌院學士十一月宣宗成皇帝實錄聖訓告成以心存悉心纂輯賜禮部筵宴鞍馬銀幣並賞其孫曾源舉人命以吏部尙書協辦大學士尋調補戶部尙書十二月命辦募東陵工程七年二月充經筵直講考試御史閱卷大臣四月孝靜康慈皇后梓宮奉安禮成賞加三級八月充考試謄錄閱卷大臣是月覆覈朝審有哈達郎阿竊錢票七百串一案刑部依贓逾五百兩擬絞入實心存駁議以爲戶部俸餉均以制錢二串作銀一兩該犯所竊錢票以二串合銀計之不過準銀三百餘兩應改緩決並請明定章程嗣後偷竊錢票應以制錢二千合銀一兩以昭平允下部議尋議哈達郎阿應改緩決而竊贓仍依舊例覈計從之先是刑部侍郎宗室國瑞以朝審案內胡大誘拐幼女一案擬罪未協交軍機大臣議奏議上諭曰著翁心存瑞常秉公查辦翁心存曾駁哈達郎阿一案足徵留心民命此案諒能認真研鞫慎之尋訊明應照原擬科斷八年四月充上書房總師傅是時天津戒嚴疏請聖駕還宮以定衆志並疏稱和議難成請速進剿略言京師重地不可令外國領事駐紮長江之形勢不可失綏芬之邊地不可捐兵費不可再償耶穌教不可遠

播上躋其言七月湖北巡撫胡林翼奏通除漕務中飽之弊命部臣議奏心存等奏言湖北漕務積弊已久詳覈所擬改折新章實爲民間減省錢一百四十餘萬千爲國帑增籌銀四十餘萬兩節省銀三十一萬兩於釐剔弊竇之中寓裕餉便民之意應悉如所請惟漕運舊制不容盡廢應於停運之年豫爲籌及以期推行無弊並定章程五條一漕糧折色按各州縣歷年浮收實數分別覈減明定折價一漕折銀兩及幫船兌費准其提充軍餉一滿漢各營兵糧應領本色者以每石九錢支給應領折色者以每石七錢支給一漕南水腳等項一律節省歸公一上下衙門一切陋規概行裁革疏入從之九月補授大學士管理戶部事務旋命爲體仁閣大學士十二月賜御書扁額九年二月充覆試舉人閱卷大臣三月充覆試宗室貢士閱卷大臣命偕王大臣挑選侍衛旋因病奏請開缺硃批卿總理部務深資倚畀賞假一月安心調攝不必開缺五月命教習庶吉士具疏再請開缺允之十年三月怡親王載垣等會鞫戶部官票所司員有兌換寶鈔情弊命戶部堂官明白迴奏心存以並未議准覆奏而載垣等嚴訊司員忠麟王熙震稱記曾回過尙書翁心存侍郎杜翮命再明白迴奏心存奏言各部院公事非一二人所

能專政斷無立談數語更改舊章之理下載垣等再訊旋載垣等奏雖無確據仍請將心存等革去頂帶聽候傳訊諭曰此案以短號寶鈔兌換長號寶鈔忠麟王熙震僅稱回過翁心存杜翻其餘各堂概未回明亦未立彙存案何得以影響之詞意存諉過惟翁心存等在部有年何以毫無覺察實難辭咎著先行交部議處無庸再行迴奏亦無庸傳訊尋議降五級留任硃筆改爲俟補官日革職留任五月載垣等奏宇商濫支經費請飭明白迴奏心存覆奏原給經費實在不敷當時物價銀價騰踴倍前是以添給諭曰宇商添支經費曾經翁心存等駁覈議減尙未奏明該司員已將此款列入奏銷清單咎有應得著交吏部嚴加議處尋議革職留任是年七月聖駕將幸熱河具疏切諫十一年七月文宗顯皇帝升遐十月梓宮自熱河還京心存偕在京諸臣迎謁穆宗毅皇帝御極諭曰予告大學士翁心存守正不阿學問淹博朕御極之初亟應延訪耆儒以資輔翼翁心存尙未出京著卽銷假聽候簡用以副朕側席興賢人惟求舊之至意十一月疏陳衰老不堪任使特旨開復革職留任處分以大學士銜管理工部事務心存復具疏辭上不許命仍管理工部事務毋庸帶領引見人員並免派一切差使以示體恤尋疏

舉人材以供任使諭曰爲政之要首在得人翁心存臚舉人材洵屬當務爲急不失以人事君之義所保諸人業有降旨宣召及擢用者餘俟隨時徵起同資郅治十二月疏請力保通泰規復蘇常略曰東南之民嚮義甚堅各郡縣陷後流亡渡江之人日夜思招徠義勇克復鄉里特以無人提倡不克有爲請敕曾國藩擇一素能辦賊之員馳赴通泰一帶收拾將散之人心激勵方輿之義旅進則直擣蘇常退可力保下河數百里沃壤至上海一隅賦稅所出宜取江海關無窮之利以供曾國藩有用之兵上嘉納之同治元年二月奉兩宮皇太后懿旨前因皇帝沖齡亟宜典學曾經降旨令議政王等保舉師傅嗣經該大臣等各舉所知臚列以聞當皇帝養正之年自應及時就學以裕聖功見諭欽天監選擇吉期於二月十二日皇帝在弘德殿入學讀書翰林院編修李鴻藻前蒙文宗顯皇帝派令授讀茲復特簡禮部尙書前任大學士祁雋藻管理工部事務前任大學士翁心存工部尙書倭仁均屬老成端謹學問優長堪膺師傅之任均著在弘德殿授讀該大學士等各以耆碩重望爲時所推歷受累朝知遇之隆至優極渥其各朝夕納誨同心啟沃帝王之學不在章句訓詁惟冀首端蒙養懋厥身修務於一言一動以

及天下民物之蹟古今治亂之原均講明切究悉歸篤實庶幾輔成令德措正施行宏濟艱難克光大業六月充拔貢朝考覆試閱卷大臣命查辦撤任治中蔣大鏞呈訴屈抑一案七月充實錄館監修總裁九月以梓宮奉移禮成賞加二級十月頒賞宣宗成皇帝聖訓十一月寢疾先是心存子同書以前撫安徽緣事逮繫至是特命暫釋出侍湯藥是月心存卒遺疏入諭曰大學士銜管理工部事務翁心存品學純粹守正不阿自翰林薦擢正卿入直上書房疊受先朝知遇之隆簡任綸扉總理部務嗣於咸豐九年間因病開缺朕御極之初蒙我兩宮皇太后簡用耆臣重加倚畀以大學士銜管理部務並命在弘德殿授讀朝夕納誨啟沃深資方冀克享遐齡長承恩眷茲聞溘逝悼惜良深著賞給陀羅經被派醇郡王帶領侍衛十員卽日前往奠醑加恩晉贈太保照大學士例賜卹入祀賢良祠任內一切處分悉予開復應得卹典該衙門察例具奏伊子翁同書昨經降旨令刑部暫行釋放並著俟穿孝百日後再行監禁伊孫舉人翁曾源著賞給進士准其一體殿試候選同知翁曾純著以同知卽選監生翁曾榮著賞給舉人准其一體會試刑部學習郎中翁曾桂著作爲候補郎中舉人翁曾翰著賞給內閣中書用示

清史列傳  
篤念蓋臣至意尋賜祭葬予諡文端五年十二月文宗顯皇帝實錄聖訓告成上以心存曾充監修總裁賜祭一壇並賞其子同龢四品銜子同書安徽巡撫諡文勤同爵湖北巡撫均自有傳同龢軍機大臣戶部尚書毓慶宮行走孫曾源翰林院修撰曾純候補同知曾桂江西按察使曾翰內閣中書曾孫斌孫侍讀銜翰林院檢討

### 彭蘊章

彭蘊章江蘇長洲人由舉人捐內閣中書道光十二年充軍機章京十五年成進士以主事用分工部仍留軍機處行走十八年補官二十年六月陞員外郎十二月陞郎中二十二年五月授鴻臚寺少卿十月轉光祿寺少卿二十三年四月陞順天府府丞十月充武闈校射大臣二十四年授通政使司副使二十五年三月擢宗人府府丞十一月稽察右翼宗學二十六年八月提督福建學政十二月補都察院左副都御史仍留學政任二十八年五月奏請裁減漕船幫費略言漕船開兌之初衛官卽向旗丁需索近來爲數愈增又沿途委員催趲有費至淮安漕運衙門查驗有費抵通州倉場經紀花戶有費欲減旗丁幫費宜探本窮源節其

出項又請設立官夫覈定夫價每船過三插定以夫價若干毋許勒索州縣辦漕應令有漕督撫察其潔己愛民者每歲酌保一二員辦理不善者劾一二員其各省運漕官及通州坐糧廳如能潔己剔弊亦准漕運總督倉場侍郎保奏不稱職者劾罷疏入下部議行八月擢工部右侍郎兼管錢法堂事務仍留學政任二十九年以捐備本籍賑銀下部優敘三十年回京尋兼署刑部右侍郎充考試漢教習閱卷大臣武殿試讀卷官咸豐元年五月命在軍機大臣上行走十二月遵旨嚴察私鑄奏言本月十四日召見時蒙發下小錢背有寶源局字樣跪看之下實係私鑄當卽面交監督扎克丹等赴局詳查據覆稱抽查兩局庫存錢文皆無此項小錢至兩局匠役人數衆多易起弊端臣等不敢以查驗無蹤信其必無私鑄惟有嚴飭該監督等隨時稽察有犯必懲得旨報聞二年正月賜紫禁城騎馬京察屆期上以蘊章自參樞務以來克盡厥職加一級是月命恭理孝和睿皇后喪儀四月充會試覆試閱卷大臣五月海運米石短絀上以倉場侍郎朱嶠所奏情形與戶部前奏兩歧諭令蘊章偕兵部左侍郎宗室恩華秉公查奏尋奏稱查驗坐糧廳公文清冊此次米石在天津不過蒸熟到通州始見潮溼坐糧廳仍加風

暉始行驗收與該侍郎原奏據經紀供稱河干未能挑暉以致轉運後米身縮收之語不符其經紀在津出結係屬向例該侍郎不得諉爲不知又稱見在米石尙未驗收完竣應請敕下該侍郎仍責成坐糧廳及大通橋監督認真查驗如有潮涇短少情弊卽行嚴究懲辦允之十月捐輸軍餉銀三千兩命交軍機處存記十一月兼署戶部右侍郎兼管錢法堂事務三年三月孝和睿皇后永遠奉安禮成議敘加四級尋兼署吏部左侍郎八月以河南懷慶解圍軍功加一級十二月復以歷次捐輸軍餉議敘隨帶加五級調兵部左侍郎四年二月充實錄館總裁三月調禮部左侍郎五月陞工部尙書十一月會議閩浙總督王懿德等奏請寬民間銅器之禁應以五斤以上不准打造私藏五斤以下仍准民間照常使用又議伊犁將軍宗室奕山等奏支發各款或全發見銀或減成給領或折錢支放所議雖與部定章程未能盡合惟伊犁爲西路極邊地方不惟與京城各別亦與甘肅口內不同變通覈減自當因地制宜未便拘泥部章勉强比合又議塔爾巴哈台參贊大臣英秀奏請暫裁兵額覈其所奏不但體恤蒙古官兵兼可撙節常年經費其節省銀兩應令該大臣於撥調經費時聲明扣除以昭覈實議入均如所請

十二月稽察京通十七倉五年正月復屆京察命下部議敘二月會議葉爾羌參贊大臣常清奏裁新疆防兵略曰葉爾羌滿洲換防兵較多其由內地派往者裝銀車價費於口外數倍故旗營不如綠營之省口內又不如口外之省今既將葉爾羌滿洲防兵裁撤則烏魯木齊各旗營歸伍之兵可代綠營差遣綠營即可多派防兵抵內地調派以節糜費應請敕下烏魯木齊都統於綠營內照撤回旗兵之數添派兵二百五十名赴葉爾羌等城換防咨明內地照數少派如此轉移於經費尤可節省均如所議四月充考試試差閱卷大臣復以山東馮官屯蕩平軍功加三級時閩粵等省商民交易多用洋錢福建巡撫呂佺孫因奏請改銀仿照洋錢式樣鑄造蘊章等以內地之錢仿照外夷式樣有乖體制議寢之五月直隸總督柱良奏查明直隸用鈔情形蘊章等會議改票用鈔收銀買鈔之法行之近省於京餉既有裨益行之遠省於民力亦可寬紓該督既以驟行爲難自不妨寬以時日逐漸轉移至官票一項戶部概行頒發則度支可無漏卮之慮不停搭收則閭閻自無疑畏之生議入上躔之六月署吏部左侍郎沈兆霖奏請暫設巡撫專辦皖南軍務諭令軍機大臣大學士會同該部妥議具奏蘊章等奏言安徽一

省介居大江南北自粵賊占踞江面巡撫督兵廬州與江以南之徽寧池太廣四府一州文報多阻故福濟曾有鞭長莫及之奏賴浙江巡撫派兵協守撥餉協濟有急則飛咨向榮同選弁兵前往救援今該侍郎以浙江兼顧難周請暫設皖南巡撫誠爲救時之策惟立法貴乎因時而於事必求有濟以保守地方而論則在官員之能否而不在階級之崇卑以攻剿賊匪而論則不在文職之增多而在武弁之得力若添設巡撫則疆域既分難保不互相推諉臣等公同商酌皖南原有徽寧池太廣兵備道一員擬請暫改爲皖南道專轄徽州寧國池州太平廣德五屬仿臺灣道例加給按察使銜以資督率再請添設皖南總兵一員統轄徽州寧國池州蕪采廣德五營以資鎮守如所議行八月署陝西巡撫宗室載齡奏請黃金定價抵銀行使蘊章等遵擬試行章程十二條一定成色一平價值一交官之項宜分別覈辦一收納地丁宜於串票內添註數目一解部之款宜與白銀並解一協撥餉銀宜搭解黃金一各省放款宜視所收之數酌量搭用一部庫放項宜隨時酌辦一出納均平一收放黃金宜就見銀款內分搭一官銀錢號宜令各省一體開設藉資兌換一產金省分宜令試行開採從之十二月命以工部尙書協

辦大學士充經筵講官六年三月充會試正考官四月充會試覆試及朝考閱卷  
大臣十月充玉牒館總裁十一月宣宗成皇帝實錄聖訓告成賞加二級補授大  
學士管理工部事務派閱考試南書房翰林卷命爲文淵閣大學士十二月命稽  
察欽奉上諭事件處充文淵閣領閣事七年正月管理工部三庫事務二月命恭  
壇宣宗成皇帝實錄內廟諱文宗顯皇帝御名充上書房總師傅閏五月戶工兩  
局試鑄鐵錢蘊章等遵議章程請以工部寶源局應鑄鐵制錢卽在鐵錢局西北  
廠內添鑪鼓鑄分交戶工兩局管理一切稽察督率事宜請卽由工部錢法堂侍  
郎辦理以專責成允之八年正月京察屆期並以玉牒告成兩邀議敘四月充考  
試試差閱卷大臣七月命督修萬年吉地工程先是京師糧價昂貴旗民生計維  
艱蘊章奏請酌撥庫款採買米石允之至是復請將京旗兵米酌增略言自改用  
大錢後城中糧價昂貴民不聊生疊荷皇恩加展賑濟自五月以來又加米折每  
石京錢一千然民生疾苦未見轉機每思拯救之方幾於束手無策臣近知旗人  
應得之米年來分成折錢見在兵丁所領止有實米二成其餘折色則以米之高  
下定價之多寡多者每石京錢四千少者止京錢兩千自入夏以來京師大米一

石市價至京錢三十千旗人持此一石之折價多則買米一斗有餘少則不過數升民生之蹙其患不獨在無銀而並在無米伏見本年海運總數多於上年似可將兵米酌量加增而減其折色又查各旗營養育兵以及鰥寡孤獨小甲米石八旗約計不過四萬餘名每名歲支米一石六斗此項人等最爲孤苦擬請推廣皇仁全行給放米石毋庸折色儻部臣覈計或慮米石不敷則自前年以來有提存部庫採買米石銀十萬八千兩近存四川解京穀價銀二十二萬六千兩山東解京漕米銀六萬兩山西米價銀三萬兩陝西四萬九千餘兩共銀四十七萬餘兩堪以採買米石加放兵米又有河南停運採米節省運腳銀二萬兩堪爲買米轉運之費實無須另籌款項伏乞皇上飭下戶部迅籌加增米石覈減折色稍補餉銀之不足並計通倉米石何項短缺則採買何項以資搭放實於旗兵生計大有裨益得旨下部議行十二月御史王得固奏請於河南歸德府添設總兵一員蘊章等議稱歸德爲豫東門戶向設參將一員營伍本屬單薄應將歸德營改爲歸德鎮設總兵一員駐紮府城設立左右兩營添設遊擊都司各一員中軍守備二員千總四員把總八員如所議行九年正月奏請特開恩榜略曰鄉舉里選之法

始於成周漢時舉賢良方正孝悌力田又命郡國舉孝廉東漢舉士以孝廉一科爲最盛其時循吏尤多誠以百行孝爲先六計廉爲本能孝則可移於忠能廉則必歸於正取士之方實已操其要也自晉至隋以詩賦取士至唐而仍隋舊厥後科目有三曰秀才曰明經曰進士秀才試以策明經進士試以經策皆重考覈而舉行之法不聞焉宋之科目亦重進士試以九經三史後分經書詩賦爲兩科迄於南宋兼行不廢元舉經明行修經策詩賦分爲三場明代取士始用四書文三道鄉試中式者爲舉人會試於禮部又中式對策則有進士及第出身之目今之鄉會試實沿其制夫以四書五經取士原望能明聖賢之訓必無畸邪之行故可以治民行政也無如士子徒習其言不修其行吏治日非民風日薄今日而欲正人心維風俗則孝行之典所當參用也我皇上樂育人才甄陶庶類以近年未開恩榜欲加惠士林聖意殷拳儒生之幸臣竊維恩科之設皆因恭逢慶典計咸豐十年恭遇我皇上三旬萬壽允宜開科取士以副聖主闡門籲俊之懷查向來恩科皆於萬壽之年舉行會試先期一年舉行鄉試今當以咸豐九年己未舉行鄉試十年庚申舉行會試惟念各省自用兵以來尙有未舉行乙卯鄉試之處或乙

清史 列傳  
卯雖已舉行而本年戊午尙未開科若令天下於明年舉行鄉試恐或因道途梗阻或因貢院未修士子仍不獲觀光德意所加未能普遍若令察舉孝廉則其事易行而士林得以均霑至其取士之法應參用今之優行生員及孝廉方正兩途之例舉於學校考於學政會考於督撫然後試於朝而孝廉一科既准其與舉人一體會試是以特設之科爲恩榜重人品而拔真才也至會試則仍循舊制不加參改若是則取之於學校仍由文字進身歸之於會試仍從文字成名而中加考一科庶幾文行交修兩無偏重矣嗣後海內清平每遇恩榜仍可踵而行之蓋十年中三次正考皆以文取士偶加一孝廉之科以行舉賢似不至紛更舊制而於簡拔人才之道亦參酌古今而互用疏入下大學士九卿議尋議以窒礙難行奏寢之四月充庶吉士散館閱卷大臣五月充朝考閱卷大臣旋充國史館總裁八月命於管理處所俱免其帶領引見九月充考試翰詹閱卷大臣十二月刑部具題湖北民人蕭汝秀毆傷胞叔蕭恆禮身死罪名諭令彭蘊章等議奏尋奏稱此案蕭汝秀欲毆弟適傷胞叔卽與誤傷無異該署撫胡林翼擬以斬決實與情罪未符況旣云適傷又稱有心逞兇殊屬兩歧得旨改爲斬監候十年正月恭遇

上三旬萬壽賞戴花翎二月三月歷充順天鄉試覆試會試覆試庶吉士散館閱  
卷大臣五月以足疾面奉諭旨任在軍機處辦事量力豫備召見出入命內侍扶掖  
以行六月諭毋庸在軍機大臣上行走以示體恤旋因病賞假一月七月奏請開  
缺復賞假兩月九月復奏請開缺允之尋奏出都就醫諭曰卿久任樞垣備悉時  
事見在辦理軍務如有見及之處並採訪輿論民情仍隨時具陳交附近地方大  
吏代遞十一月密陳時務六條報聞十一年三月病痊署兵部尚書派查三庫九  
月兼署都察院左都御史十月充武會試校射大臣同治元年五月復因病奏請  
開缺允之十一月卒遺疏入諭曰前任大學士彭蘊章敬慎持躬老成練達由部  
曹薦登卿貳渥荷文宗顯皇帝知遇之隆簡任綸扉參預機務均能恪恭盡職咸  
豐十年因病開缺上年病痊銷假卽命署理兵部尚書朕御極之初復命署理都  
察院左都御史本年夏間復因病劇請開署缺當經降旨允准方冀安心調理克  
享遐齡茲聞溘逝軫惜殊深著賞給陀羅經被派郡王銜貝勒載治帶領侍衛十  
員卽日前往奠醊加恩照大學士例賜卹任內一切處分悉予開復應得卹典該  
衙門察例具奏伊孫戶部學習員外郎彭達孫著俟服闋後作爲候補員外郎用

示篤念耆臣之至意尋賜祭葬予諡文敬子慰高舉人浙江道員祖芬河南修武縣知縣祖賢舉人湖北巡撫祖彜刑部郎中祖壽湖北同知柱高兵部主事祖潤舉人浙江道員孫翰孫廣東知府虞孫山東濟寧直隸州知州達孫戶部員外郎福孫舉人甘肅武威縣知縣穀孫戶部主事